

四庫全書

經部

欽定四庫全書

儀禮鄭註句讀卷十五

濟陽張爾岐撰

特牲饋食禮第十五

鄭目錄云特牲饋食之禮謂諸侯之士祭祖禰非天子之士而

於五禮屬吉禮○註疏本不詳他書目次吳氏補之云大戴第七小戴第十三別錄第十五疏云案曲禮云大夫以索牛士以羊豕彼天子大夫士此儀禮特牲少牢故知是諸侯大夫士也祭法云適士二廟官師一廟官師謂中下之士祖禰共廟亦兼祭祖無問一廟二廟皆先祭祖後祭禰若祭無問尊卑廟數多少皆同日而祭畢以此及少牢惟筮一日

特牲饋食之禮不諏日

祭祀自孰始曰饋食饋食者食道也諏謀也士賤職褻時至事

暇可以祭則筮其日矣不如少牢大夫先與有司於廟門諏丁巳之日○祭祀自孰始曰饋食者初祭即薦飪熟之牲體及黍稷是用生人食道以事其親若天子諸侯之祭先有灌鬯朝踐饋獻之事至迎尸後乃進熟體黍稷也不諏日者不預諏前月下甸之丁巳以筮來月上甸之丁巳但可以筮則筮而已自此以下筮日筮尸宿尸宿賓視濯與牲凡五節皆祭前戒備之事○諏子須反

及筮日主人冠端玄即位於門外西面

冠端玄玄冠玄端下言玄者玄

冠有不玄端者門謂廟門○玄冠有不玄端者助祭者玄冠而著朝服是也此則冠與端皆玄

子姓兄

弟如主人之服立於主人之南西面北上

所祭者之子孫言子姓者

子之所生小宗祭而兄弟皆來與焉宗子祭則族人皆侍有司羣執事如兄弟服東

面北上

士之屬吏也○疏云左傳云士有隸子弟謂此

席於門中闌西闕外

為筮

人設之也古文闌作

人筮人取筮于西塾執之東面受命于主

筮人官名也筮問也取其

宰自主人之左贊命命曰

孝孫某筮來日某諏此某事適其皇祖某子尚饗

宰羣吏之

長自由也贊佐也達也贊命由左者為神求變也士祭曰歲事此言某事又不言妃者容大祥之後禋月之吉祭皇君也言君祖者尊之也某子者祖字也伯子仲子也尚庶幾也○疏云少儀曰贊幣自左詔辭自右此祭祀宰自左贊命為神筮者許諾還即席西面坐卦者在求吉故變於常禮也

左卒筮寫卦筮者執以示主人

士之筮者坐著短由便卦者主畫地識文爻備

以方主人受視反之

還

筮者還東面長占卒告于主人

占曰吉

長占以其年之長幼旅占之

若不吉則筮遠日如初儀

遠日旬之

外宗人告事畢

右將祭筮日

前期三日之朝筮尸如求日之儀命筮曰孝孫某諏此

某事適其皇祖某子筮某之某為尸尚饗

三日者容宿賓視濯也某

之某者字尸父而名尸連言其親庶幾其馮依之也大

夫士以孫之倫為尸○云三日者容宿賓視濯也者為

筮尸之後祭日之前有二日容此二事也必連言尸之父者尸父與所祭者彌親欲其神馮依之也

右筮尸

乃宿尸

宿讀為肅肅進也進之者使知祭日當來凡宿或作速記作肅周禮亦作宿

主人立

于尸外門外子姓兄弟立于主人之後北面東上

不東面者

來不為賓客子姓立于主人之後上當其後○子姓東頭為上者立當主人之後不得過主人也

尸如

主人服出門左西面

不敢南面當尊

主人辟皆東面北上

○順尸隨

順尸主人再拜尸答拜

主人先拜尊尸○疏云此決下文宿賓賓先拜主人乃答拜今

此尊尸是以主人先拜也案少牢宿尸祝先釋辭訖尸乃拜此尸答拜後宗人乃擯辭者士尸卑大夫之尸尊

宗人擯辭如初卒曰筮子為某尸占曰吉敢宿

宗人擯者釋主

人之辭如初者如宰贊命筮尸之辭卒曰者著其辭所易也○如初者如初筮尸曰孝孫某諏此某事適其皇祖某子乃易去下二語而曰筮子為某尸占曰吉敢宿祝許諾致命受宗人辭許始宗人祝北面至於傳命尸許諾主人再拜稽首其許皆西面受命東面釋之尸相揖而去尸人受於祝尸入主人退不拜送尸尊而告主人

右宿尸

宿賓賓如主人服出門左西面再拜主人東面答再拜

宗人擯曰某薦歲事吾子將涖之敢宿

薦進也涖臨也言吾子將臨之

知賓在有司中今特肅之尊賓耳。○士前祭二日選屬吏為賓特肅一人以備三獻屬吏必來助祭故云吾子將涖之疏云屬吏有公有司有私臣若在門外時同在門西東面北上及其入為賓及衆賓者適西階以俟行事公有司不選為賓者門西北面私臣不選為賓門東北面賓曰某敢不敬從主人再拜賓答拜主人退賓拜送

右宿賓

厥明夕陳鼎于門外北面北上有霤

厥其也宿賓之明日夕門外北面當

門也古文霤為密○宿賓之明日夕祭前一日之夕也少牢陳鼎在門東此當門士卑辟大夫也

於在

其南南順實獸于其上東首

順猶從也於之制如今大木舉矣上有四周下無足

獸腊也。○特牲三鼎有豕魚腊。腊野獸之全乾者。○舉音預。

牲在其西北首東足

其西

於西也。東足者尚右也。牲不用於以其生。○豕北首東足寢其左。故云尚右。

設洗于阼階東

南壺禁在東序豆籩鉶在東房南上几席兩敦在西堂

東房房中之東當夾北西堂西夾室之前近南耳。○大夫士直有東房西室。故他經直言房不言東。此經特言東房。故註知是房內近東言當夾北者。兩夾皆堂半以南為之。壁外相望當夾之北也。西堂西夾室之前近南亦謂堂上遙望夾室耳。

主人及子姓兄弟即位于門東如初筮

賓及衆賓即位于門西東面北上

不象如初者以賓在而宗人祝不在。○兼

之宰在門西與賓同行皆與筮位異也。

宗人祝立于賓西北東面南上

彌事

至位彌異宗人
祝於祭宜近廟

主人再拜賓答再拜三拜衆賓衆賓答再

拜

衆賓再拜者士賤旅之得備禮也○案有司徹主人降南面拜衆賓于門東三拜衆賓門東北面皆答一拜是

大夫尊衆賓
不得備禮

主人揖入兄弟從賓及衆賓從即位于堂

下如外位

為視濯也

宗人升自西階視壺濯及豆籩反降東

北面告濯具

濯溉也 濯意欲聞也 言濯具不言絜以有几席○

主人在東階下宗人降自西階宜東面告乃

賓出主人

出皆復外位

為視牲也

宗人視牲告充雍正作豕

充猶肥也 雍正官名

也北面以策動作豕視聲氣

宗人舉獸尾告備舉鼎鼐

告絜

具備

請期曰羹飪

肉謂之羹飪熟也謂明日質明時而曰肉熟重豫勞賓宗人既得期

西北面告

賓有司

告事畢賓出主人拜送

右視濯視牲

夙興主人服如初立于門外東方南面視側殺

風早也興起也

主人服如初則其餘有不玄端者側殺殺一牲也○自此至立于中庭言祭日陳設及位次之事主人服如初

謂玄端也案下記唯尸視佐食與主人同服賓及兄弟筮日筮尸視濯亦玄端至祭日則皆朝服玄冠緇帶緇

韞

主婦視饔饔于西堂下

炊黍稷曰饔宗婦為之饔竈也西堂下者堂之西下也近

西壁南齊于坵古文饔作糝周禮作饔

亨于門外東方西面北上

亨煮也煮豕魚

腊以饌各一爨詩云誰能亨魚溉之釜鬻○鬻音尋羹飪實鼎陳于門外如初初

濯尊于戶東玄酒在西戶東室戶東玄酒在西尚之凡尊酌者在左○鄭註云凡尊酌

者在左玄酒不酌故在右是以東西為左右少儀云尊者以酌者之左為上尊又據酌者北面臨尊而言左右

以西為左其位置雖同而言有殊也實豆籩鉶陳于房中如初如初者取

而反執事之俎陳于階間二列北上執事謂有司及兄弟二列者因其位

在東西祝主人主婦之俎亦存焉不升鼎者異於神盛兩敦陳于西堂藉用萑几

席陳于西堂如初盛黍稷者宗婦也萑細葦古文用為于○藉慈夜反萑音九尸盥

匱水實于槃中簞巾在門內之右設盥水及巾尸尊不就洗又不揮門內之

右象洗在東統于門東西上凡鄉內以入為左右鄉外以出為左右。以匱貯水而置之槃待尸盥則執匱沃水而槃承之。簞巾簞中貯祝筵几于室中東面為神數

此使祝接神

主婦纚笄宵衣立于房中南面

主婦主人之妻雖姑存猶使之

主祭祀纚笄首服宵綺屬也此衣染之以黑其繒本名曰宵詩有素衣朱宵記有玄宵衣凡婦人助祭者同服也內則曰舅沒則姑老家婦所祭祀賓客每事必請於姑。註引內則者證主婦為主人之妻也。纚山買反

主人及賓兄弟羣執事即位于門外如初宗人告有司

具

具猶辨也

主人拜賓如初揖入即位如初

初視灌也

佐食北面

立于中庭

佐食賓佐尸食者立于宗人之西。疏云案下記云佐食當事則戶外南面無事則中庭

北面此經謂無事時也又云主人行事阼階宗人亦在阼階南擯主人佐食北面於中庭明在宗人之北可知
右祭日陳設及位次

主人及祝升祝先入主人從西面于戶內祝先入接神宜在前也少

牢饋食禮曰祝盥于洗升自西階主人盥升自阼階祝先入南面○自此至主人再拜稽首言主人主婦祝佐食初行陰厭之祭註引少牢者明此主婦盥于房中薦經主人及祝盥升面位亦與彼同也

兩豆葵菹蜎醢醢在北主婦盥盥於內洗昏禮婦洗在北堂直室東隅○蜎力禾反

宗人遣佐食及執事盥出命之盥出當助主人及賓舉鼎主人降及賓

盥出主人在右及佐食舉牲鼎賓長在右及執事舉魚

腊鼎除鼎

及與也。主人在右，統於東。主人與佐食者賓尊，不載少牢饋食禮。魚用鮒，腊用麋，士腊用

兔。○疏云：鼎在門外北，上東為右，人西為左，人右人尊。

入時在鼎前，左人卑，入時在鼎後，又載牲體于俎，又設

俎，神坐前，主人升，乃以東為主。今在堂下，主人在右，故

云：統於東也。賓主當相對為左右，以賓尊，不載牲體，故

使佐食對主人，使賓為右人而**宗人執畢先入當阼階**

使執事在左而載也。○鮒音附。

南面

畢狀如叉，蓋為其似畢星，取名焉。主人親舉宗人則執畢導之，既錯，又以畢臨匕，載備失脫也。雜記

曰：牝用桑，長三尺，畢用桑，長三尺，刊其本，與末牝畢同。

材明矣。今此牝用棘心，則畢亦用棘心。舊說云：畢似御

他神物，神物惡桑，義則少牢饋食及虞無又何哉？此無

義者，乃主人不親舉耳。少牢大夫祭不親舉虞喪祭也。

主人未執事，祔練祥執事，用桑又**鼎西面錯右人抽局**

自此純吉用棘心又。○牝音匕。

委于鼎北

右人謂主人及二賓既錯皆西面俟也

贊者錯俎加匕

贊者執俎及匕

從鼎入者其錯俎東縮加匕東柄既退而左人北面也。少牢云俎皆設于鼎西西肆又云匕皆加于鼎東

枋

乃匕右人也尊者於事指使可也左人載之

佐食升斚俎鼎之設于阼

階西

斚所謂心舌之俎也郊特牲曰斚之為言敬也言主人之所以敬尸之俎古文鼎皆作密。斚音祈

卒載加匕于鼎

卒已也已載畢亦加焉

主人升入復位俎入設于

豆東魚次腊特于俎北

入設俎載者腊特饌要方也凡饌必方者明食味人之性所以

正。俎入設于豆東豕俎當菹豆之東也魚次魚又次豕東也腊特俎北則與醢相直而正方

主婦設

兩敦黍稷于俎南西上及兩鉶芼設于豆南南陳

宗婦不贊

敦鉶者以其少可親之芼菜也祝洗酌奠奠于鉶南遂命佐食啓會佐

食啓會卻于敦南出立于戶西南面酌奠奠其爵解少牢饋食禮啓會乃

奠之。會主人再拜稽首祝在左稽首服之甚者祝在古外反左當為主人釋辭於

神也祝祝曰孝孫某敢用剛鬣嘉薦普淖卒祝主人再用薦某事於皇祖某子尚饗。淖女孝反

拜稽首

右陰厭

祝迎尸于門外尸自外來代主人接之就其次而請不拜不敢與尊者為禮周禮掌次凡祭祀

張尸次。自此以下言迎尸入行正祭初尸食九飯次主人醕尸次主婦亞獻尸次賓長三獻尸次獻賓及兄

弟次長兄弟為加爵次衆賓長為加爵次嗣舉奠次旅
酬次佐食獻尸凡十節事尸者八節其獻賓及兄弟與
旅酬皆承尸意而行神惠者也此九飯節內有妥尸祝
饗有按祭有初三飯有再三飯有終三飯有盛胙俎又
其六

主人降立于阼階東

主人不迎尸成尸尊尸所祭者之孫也祖之尸則主人乃

宗子禰之尸則主人乃父道事神之禮廟中而已出迎則為厭○厭一葉反

尸入門左北面

盥宗人授巾

侍盥者執其器就之執簞者不授巾賤也宗人授巾庭長導少牢饋食禮曰祝先入

門右尸入門左○盥器設門右今尸入門左各執器就尸盥也

尸至于階祝延尸尸升

入祝先主人從

延進在後詔侑曰延禮器所謂詔侑武方者也少牢饋食禮曰尸升自西階入

祝從主人升自阼階祝先入主人從○詔侑武方彼註武無也引少牢者見此經尸入次序與彼同法也○武

音無

尸即席坐主人拜安尸

安安坐也

尸答拜執奠祝饗主人

拜如初

饗勸彊之也其辭取于士虞記則宜云孝孫某主為孝薦之饗舊說云明薦之○以上安尸祝

饗○彊

祝命按祭尸左執觶右取菹揄于醢祭于豆間

其丈反

命詔尸也按祭祭神食也士虞禮古文曰祝命佐食墮祭周禮曰既祭則藏其墮墮與按讀同耳揄醢者染於醢○鄉者設饌陰厭以飫神今尸來當食神食故先按祭之也按陸氏作許恚反註云墮按讀同墮亦作呼回反墮取降下按取切摩各於祭義

佐食取黍稷肺祭授

有似也○按註音墮揄如悅反

尸尸祭之祭酒啐酒告旨主人拜尸奠觶答拜

肺祭剉肺也旨

美也祭酒穀味之芬芳者齊敬共之惟恐不美告之美達其心明神享之祭鉶嘗之告旨主

人拜尸答拜

銅肉味之有菜和者曲禮客絮羹主人辭不能享○以上尸按祭

祝命爾

敦佐食爾黍稷于席上

爾近也近之便尸之食也

設大羹湑于醢北

大羹湑煮肉汁也不和貴其質設之所以敬尸也不祭不齊大羹不為神非盛者也士虞禮曰大羹湑自門入

今文湑皆為汁○疏曰云醢北者為薦左案公食大夫昏禮大羹湑皆在薦右此在左者神禮變於生人舉

肺脊以授尸尸受振祭齊之左執之

肺氣之主也脊正體之貴者先食啗

之所以導食通氣

乃食食舉

舉言食者明凡解體皆連肉○舉肺脊也從俎舉向口因名為舉

主人羞所俎于腊北

所俎主於尸主人親羞敬也神俎不親設者貴得賓客以神事其先

尸三飯告飽祝侑主人拜

三飯告飽禮一成也侑勸也或曰又勸之使又食少牢饋

食禮侑辭曰皇尸未實侑也○尸三飯

佐食舉幹尸受振祭嘑之佐食受

加于肝俎舉獸幹魚一亦如之

幹長脅也獸腊其體數與牲同

尸實舉

于菹豆

為將食庶羞舉謂肺脊

佐食羞庶羞四豆設于左南上有

醢

庶衆也衆羞以豕肉所以為異味四豆者醢炙醢醢南上者以醢炙為上以有醢不得紉也

尸又

三飯告飽祝侑之如初

禮再成也尸又三飯

舉骼及獸魚如初

尸又三飯告飽祝侑之如初

禮三成獸魚如初者獸骼魚一也

舉肩及

獸魚如初

不復飯者三三者士之禮大成也舉先正脊後肩自上而卻下紉而前終始之次也○尸

又三飯不復飯

佐食盛肝俎俎釋三个

佐食取牲魚腊之餘盛於肝俎將以歸尸俎釋

三個為改饌於西北隅遺之所釋者牲腊則正脊一骨
長脅一骨及臠也魚則三頭而已个猶枚也今俗言物
數有若干個舉肺脊加于所俎反黍稷于其所尸投佐
者此讀然
受而加之反之也肺脊初
在菹豆。佐食盛所俎

右尸入九飯

主人洗角升酌醑尸

醑猶行也是獻尸也云醑者尸既
卒食又却頭行養樂之不用爵者

下大夫也因父子之道質而用角角加人事略者今文
醑皆為酌。此初獻節內有主人獻尸有尸醑主人且

親嘏有主人獻祝主
人獻佐食凡四細節尸拜受主人拜送尸祭酒啐酒賓

長以肝從

肝肝炙也古文無長。疏云此直云肝從亦
當如少牢賓長羞牢肝用俎縮執俎肝亦縮

進末鹽

尸左執角右取肝換于鹽振祭瘠之加于菹豆

卒角祝受尸角曰送爵皇尸卒爵主人拜尸答拜曰送爵者

節主人拜○祝酌授尸尸以醋主人醋報也祝酌不洗尸不親酌尊尸也

古文醋作酢主人拜受角尸拜送主人退佐食授按祭退者進受

爵反位尸將嘏主人佐食授之按祭亦使祭尸食也其投祭亦取黍稷肺祭古文按作絞主人坐左

執角受祭祭之祭酒啐酒進聽嘏聽猶待也受福曰嘏嘏長也大也待尸授

之以長大之福也○嘏古雅反佐食搏黍授祝祝授尸尸受以菹豆執

以親嘏主人獨用黍者食之主其辭則少牢饋食禮有焉○少牢云祝以嘏于主人曰皇尸命工

祝承致多福無疆于女孝孫來女孝孫使女受祿于天
宜稼于田眉壽萬年勿替引之彼命祝致嘏故云皇尸
命工祝此尸親嘏當省去此語直
用承致多福以下○搏大官反 主人左執角再拜稽

首受復位詩懷之實于左袂挂于季指卒角拜尸答拜

詩猶承也謂奉納之懷中季小也實于左袂挂袂以小
指者便卒角也少牢饋食禮曰興受黍坐振祭齊之○
引少牢文明此亦當興受坐 主人出寫嗇于房祝以籩

祭復齊之也○挂俱賣反 主人出寫嗇于房祝以籩
受變黍言嗇因事託戒欲其重稼嗇嗇
者農力之成功○尸醋主人且親嘏 筵祝南面

還主人酌獻祝祝拜受角主人拜送設菹醢也
時主人酌獻祝祝拜受角主人拜送設菹醢也
行神惠也先獻

祝以接神尊之菹醢皆
主婦設之佐食設俎 祝左執角祭豆興取肺坐祭齊

之興加于俎坐祭酒啐酒以肝從祝左執角右取肝換

于鹽振祭臠之加于俎卒角拜主人答拜受角

○主人獻祝

酌獻佐食佐食北面拜受角主人拜送佐食坐祭卒角

拜主人答拜受角降反于篚升入復位

○疏云下記云佐食俎敝折脊

脇○主人獻佐食

右主人初獻

主婦洗爵于房酌亞獻尸

亞次也次猶貳主婦貳獻不俠拜者士妻儀簡耳○此下

主婦亞獻節內有獻尸有尸尸拜受主婦北面拜送北

醋有獻祝有獻佐食亦四節

拜者辟內子也大夫之妻拜於主人北西面宗婦執兩籩戶外坐主婦受設

于敦南兩籩棗栗祝贊籩祭尸受祭之祭酒啐酒籩祭棗栗

之祭其祭之亦於豆祭兄弟長以燔從尸受振祭齊之反之燔炙肉也

○反之謂反燔于長兄弟羞燔者受加于胔出出者俟後事也○俟後事謂俟主婦獻祝

更當羞燔于祝尸卒爵祝受爵命送如初送者送卒爵酢如主

人儀尸酢主婦如主人儀者自祝酌至尸拜送如酢主人也不易爵辟內子○少牢尸酢主婦則易爵也

主婦適房南面佐食接祭主婦左執爵右撫祭祭酒啐

酒入卒爵如主人儀撫接祭示親祭佐食不授而祭於地亦儀簡也入室卒爵於尊者前

○成禮明受惠也

尸酢主婦獻祝籩燔從如初儀及佐食如初卒以

爵入于房

及佐食如初如其獻佐食則拜主人之北西面也○如初如主人獻佐食之拜位獻尸獻

祝皆北面此獨西面者以佐食北面不宜同而拜送也○主婦獻祝獻佐食

右主婦亞獻

賓三獻如初燔從如初爵止

初亞獻也尸止爵者三獻禮成欲神惠之均於室中

是以奠而待之○此下言賓長三獻疏云此一科之內乃有十一爵賓獻尸一也主婦致爵于主人二也主人

酢主婦三也主人致爵于主婦四也主婦酢主人五也尸舉奠爵酢賓長六也賓長獻祝七也又獻佐食八也

賓又致爵于主人九也又致爵于主婦十也賓受主人酢十一也愚案自主婦致爵主人以下皆所謂均神惠

於室中者約略分之為六節。賓獻尸尸暫止爵。

席于戶內。

為主人鋪之西面席自房來。

主

婦洗爵酌致爵于主人主人拜受爵主婦拜送爵。

主婦拜。

於北面也。今文曰主婦洗酌爵。

宗婦贊豆如初主婦受設兩豆兩籩。

初贊。

亞獻也。主婦薦兩豆籩東面也。

俎入設。

佐食設之。

主人左執爵祭薦宗人贊。

祭奠爵興取肺坐絕祭臠之興加于俎坐洗手祭酒啐。

酒。

絕肺祭之者以離肺長也。少儀曰牛羊之肺離而不提心豕亦然。洗手者為絕肺染汗也。刺肺不

洗手古文。

肝從左執爵取肝換于鹽坐振祭臠之宗人。

受加于俎燔亦如之興席末坐卒爵拜。

於席末坐卒爵敬也。一酌而備。

再從而次之亦均

主婦答拜受爵酌醋左執爵拜主人答拜坐

祭立飲卒爵拜主人答拜

○主婦致爵于主人因自酢

主婦出反于

房主人降洗酌致爵于主婦席于房中南面主婦拜受

爵主人西面答拜宗婦薦豆俎從獻皆如主人主人更

爵酌醋卒爵降實爵于篚入復位

主人更爵自酢男子不承婦人爵也祭統

曰夫婦相授受不相襲處酢必易爵明夫婦之別今文授為受○主人致爵于主婦更爵自酢三獻作

止爵

賓也謂三獻者以事命之作起也舊說云賓入戶北面曰皇尸請舉爵

尸卒爵酢

○賓

作爵尸酢賓其酢當亦祝酌尸拜送

酌獻祝及佐食

○賓獻祝及佐食

洗爵酌致

于主人主婦燔從皆如初更爵酢于主人卒復位洗乃

致爵

為異事新之燔從皆如初者如亞獻及主人主婦致爵也凡獻佐食皆無從其薦俎獻兄弟以齒設之賓更爵自酢亦不承婦人爵○賓致爵主人主婦更爵自酢

右賓三獻

主人降阼階西面拜賓如初洗

拜賓而洗爵為將獻之如初視濯時主人再拜

賓答拜三拜衆賓衆賓答再拜者○此下獻賓獻衆賓設導酬賓獻長兄弟獻衆兄弟獻內兄弟凡六節以三獻尸訖事神禮成順神意以達惠六節共為一科

賓辭

洗卒洗揖讓升酌西階上獻賓賓北面拜受爵主人在

右答拜

就賓拜者此禮不主於尊也賓卑則不專階主人在右統於其位

薦脯醢設折

俎

凡節解者皆曰折俎不言其體略云折俎非貴體也上賓賂衆賓儀公有司設之

賓左執爵

祭豆奠爵興取肺坐絕祭臠之興加于俎坐執手祭酒

卒爵拜主人答拜受爵酌酢奠爵拜賓答拜

主人酌自酢者賓不

敢敵主人主人達其意

主人坐祭卒爵拜賓答拜揖執祭以降西

面奠于其位如初薦俎從設

位如初復其位東面少牢饋食禮宰夫執薦以

從設于祭東司士執俎以從設于薦東是則皆公有司為之與○賓位在西階下東面今受獻于西階上言位

如初明復西階下東面位也

衆賓升拜受爵坐祭立飲薦俎設于其

位辯主人備答拜焉降實爵于篚

衆賓立飲賤不備禮鄉飲酒記曰立卒爵

者不拜既爵備盡盡人之答拜○獻賓及衆賓

尊兩壺于阼階東加勺南枋西

方亦如之

為酬賓及兄弟行神惠不酌上尊卑異之就其位尊之兩壺皆酒優之先尊東方示惠由

近禮運曰澄酒在下

主人洗觶酌于西方之尊西階前北面酬賓

賓在左

先酌西方者尊賓之義

主人奠觶拜賓答拜主人坐祭卒

觶拜賓答拜主人洗觶賓辭主人對卒洗酌西面賓北

面拜

西面者鄉賓位立於西階之前賓所答拜之東北

主人奠觶于薦北

奠酬於薦

左非為其不舉行神惠不可同於飲酒

賓坐取觶還東面拜主人答拜賓

奠饌于薦南揖復位

還東面就其位薦西奠饌薦南明將舉○疏曰云揖復位者則初奠

時少南於位可知云還東面者則初賓坐取饌薦東西面可知故鄭註云還東面就其位薦西也○設尊酬賓

以啓旅酬

主人洗爵獻長兄弟于阼階上如賓儀

酬賓乃獻長兄弟者

獻之禮成於酬先成賓禮此主人之義亦有薦爵設于位私人為之與○疏云長兄弟初受獻于阼階上時亦薦脯醢設折俎於阼階上祭訖乃執以降設于下位皆當如賓儀愚案註疏皆不言酢既云如賓儀當亦主人自酢

洗獻衆兄弟如衆賓儀

獻卑而必為之洗者顯神惠此言如衆賓儀則如獻

衆賓洗明矣○獻長兄弟及衆兄弟

洗獻內兄弟于房中如獻衆兄弟之

儀

內兄弟內賓宗婦也如衆兄弟如其拜受坐祭立飲設薦俎於其位而立內賓位在房中之尊北不殊其

長略婦人也有司徹曰主人洗獻內賓於房中南面拜受爵○下記云尊兩壺于房中西墉下南上內賓立于其北東面南上宗婦北堂東面北上註主人西面答拜引有司徹見拜受爵面位與彼同也

更爵酢卒爵降實爵于篚入復位爵辯乃自酢以初不殊其長也內賓之長

亦南面答拜
○獻內兄弟

右獻賓與兄弟

長兄弟洗觶為加爵如初儀不及佐食洗致如初無從

大夫士三獻而禮成多之為加也不及佐食無從殺也致致於主人主婦○此三獻之外復為加爵云如初儀者如賓長三獻之儀但賓長獻十一爵此長兄弟加獻唯六爵洗觶獻尸一也尸酢長兄弟二也獻祝三也致

爵主人四也致爵主婦
五也受主人酢六也

右長兄弟加爵

衆賓長為加爵如初爵止

尸爵止者欲神惠之均於在庭○此衆賓長為加爵云如

初亦如賓長三獻但尸受爵祭啐之後即止而不飲待旅酬西階一觶畢加爵者乃請尸舉爵衆賓長非三獻之賓在庭衆賓中之長者也

右衆賓長加爵

嗣舉奠盥入北面再拜稽首

嗣主人將為後者舉飲酒也使嗣子飲奠者將傳重

累之者大夫之嗣子不舉奠辟諸侯○此下言主人嗣子飲奠獻尸舉奠者舉前陰厭時祝所奠於銅南之爵

而飲之舉奠本言其事下文尸執奠進受復位祭酒啐遂以目其人謂嗣為舉奠

酒尸舉肝舉奠左執觶再拜稽首進受肝復位坐食肝

卒觶拜尸備答拜焉

食肝受尊者賜不敢餘也備猶盡也每拜答之以尊者與卑者為禮

略其文耳古文備為復

舉奠洗酌入尸拜受舉奠答拜尸祭酒啐

酒奠之舉奠出復位

啐之者答其欲酢已也奠之者復神之奠觶嗣齒於子姓凡非主人

升降自

西階

右嗣舉奠獻尸

兄弟弟子洗酌于東方之尊阼階前北面舉觶于長兄

弟如主人酬賓儀

弟子後生也。此下言旅酬前主人酬賓已舉西階一觶此弟子復舉東

階一觶皆為旅酬啓端因於此時告祭設羞先旅西階一觶如爵者即作止爵次旅東階一觶又次並旅東西

二觶而神惠均於在庭矣。宗人告祭齊
齊俎也所告者衆賓衆兄弟內

賓也獻時設薦俎于其位至此禮又殺告之乃羞
羞庶祭使成禮也其祭皆離肺不言祭豆可知羞也

下尸歲醢豆而已此所羞者自祝主人
賓坐取觶阼階至於內賓無內羞。告賓祭設庶羞

前北面酬長兄弟長兄弟在右

薦南奠觶。賓所取者主人所用酬賓賓奠于

薦南者也疏曰賓主相酬主人常在左
賓奠觶拜長兄弟答

拜賓立卒觶酌于其尊東面立長兄弟拜受觶賓北面

答拜揖復位

其尊長兄弟尊也此受酬者拜亦北面○長兄弟尊作階東之尊也疏云旅酬無算

爵以飲者酬已尊酬人之時酌彼尊

長兄弟西階前北面衆賓長自左受

旅如初

旅行也受行酬也初賓酬長兄弟

長兄弟卒觶酌于其尊西面

立受旅者拜受長兄弟北面答拜揖復位衆賓及衆兄

弟交錯以辯皆如初儀

交錯猶言東西旅西階一觶

為加爵者作止

爵如長兄弟之儀

於旅酬之間言作止爵明禮殺竝作如長兄弟之儀其受尸酢獻祝致

爵主人主婦受主人酢皆同也前作止爵待致爵訖此作止爵在旅酬之間故註云禮殺並作○作止爵長

兄弟酬賓如賓酬兄弟之儀以辯卒受者實觶于篚

長兄

弟酬賓亦坐取其奠觶此不言交錯以辯賓之酬不言卒受者實觶于篚明其相報禮終於此其文省○此所舉奠觶即上弟子舉於其長者也○旅酢階一觶

賓弟子及兄弟弟子洗各酌

于其尊中庭北面西上舉觶于其長奠觶拜長皆答拜

舉觶者祭卒觶拜長皆答拜舉觶者洗各酌于其尊復

初位長皆拜舉觶者皆奠觶于薦右

奠觶進奠之于薦右非神惠也今文

曰奠于薦右○賓弟子兄弟弟子各舉觶於其長將交相酬為無算爵也

長皆執以興舉觶

者皆復位答拜長皆奠觶于其所皆揖其弟子弟子皆

復其位

復其位者東西面位弟子舉觶於其長所以序長幼教孝弟凡堂下拜亦皆北面

爵皆

無算

算數也賓取解酬兄弟之黨長兄弟取解酬賓之黨唯已所欲亦交錯以辯無次第之數因今接會

使之交恩定好優勸之

○二觶並舉為無算爵

右旅酬

利洗散獻于尸酢及祝如初儀降實散于篚

利佐食也言利以今

進酒也更言獻者以利待尸禮將終宜一進酒嫌於加爵亦當三也不致爵禮又殺也○以進酒名利利者養也

右佐食獻尸

主人出立于戶外西南

事尸禮畢

祝東面告利成

利猶養也供養之禮

成不言禮畢於尸間之嫌。○疏曰：少牢云：主人出立于阼階上，南面祝出，立于西階上，東面祝告曰：「利成。」此尸外告利成，彼階上告利成，以尊者稍遠。尸謖祝前主人於尸，若天子諸侯禮畢於堂下，告利成。尸謖祝前主人降，謖起也。前猶導也。少牢饋食禮曰：「祝入尸，謖主人降，立于阼階東，西面祝先尸從，遂出于廟門前尸之義。」士虞禮備矣。○士虞禮有室中出尸降階出廟前尸之事故，云備矣。祝反及主人入復位。

命佐食徹尸俎，俎出于廟門。

俎所以載所俎，少牢饋食禮曰：有司受歸之。

徹庶

羞設于西序下。

為將餞去之庶羞主為尸，非神饌也。尚書傳曰：宗室有事，族人皆侍終日。大宗

已侍於賓奠，然後燕私。燕私者，何也已而與族人飲也。此徹庶羞，置西序下者，為將以燕飲與然。則自尸祝至於兄弟之庶羞，宗子以與族人燕飲於堂內，賓宗婦之庶羞主婦以燕飲於房。

右尸出歸尸俎徹庶羞

筵對席佐食分簋鉶

為將餽分之也分簋者分敦黍於會為有對也敦有虞氏之器也周

制士用虞變敦言簋容同姓之士得從周制耳祭統曰餽者祭之末也不可不知也是故古之人有言曰善終者如始餽其是已是故古之君子曰尸亦餽鬼神之餘也惠術也可以觀政矣○此下言嗣子共長兄弟對餽筵對席者對尸席而設筵以待下簋也上簋坐尸席東向此在其東西向宗人遣舉奠及長

兄弟盥立于西階下東面北上祝命嘗食養者舉奠許

諾升入東面長兄弟對之皆坐佐食授舉各一膚

命告也士

使嗣子及兄弟養其惠不過族親古文養皆作餽○少牢大夫則二佐食及二賓長餽命嘗食即命餽也○養

子峻反

主人西面再拜祝曰養有以也兩養奠舉于俎許

諾皆答拜

以讀如何其久也必有以也之以祝告養釋辭以戒之言女養此當有所以也以先祖有

德而享于此祭其坐養其餘亦當以之也少牢饋食禮不戒者非親昵也舊說曰主人拜下養席南若是

者三

丁寧戒之○謂告者三諾者三拜者三

皆取舉祭食祭舉乃食祭鉶

食舉

食乃祭鉶禮殺○前正祭之時尸祭鉶乃爾黍食之○養食

卒食主人降洗爵

宰贊一爵主人升酌醕上養上養拜受爵主人答拜醕

下養亦如之

少牢饋食禮曰贊者洗三爵酌主人受于戶內以授次養舊說云主人北面授下養

爵○引少牢者欲見此亦主人受于戶內以授下養主人拜祝曰醕有與也如初

儀

主人復拜為戒也與讀如諸侯以禮相與之與言女

醕此當有所與也與者與兄弟也既知似先祖之德

亦當與女兄弟謂教化之○諸侯以禮相與禮運文彼

言諸侯會同聘問一德以尊天子此戒嗣子與長兄弟

及眾兄弟相教化相

兩養執爵拜

答主人也○上文曰

與以尊先祖之德也

如初儀當亦三告三

諾則拜亦

祭酒卒爵拜主人答拜兩養皆降實爵于篚

當三拜也

○醕

上養洗爵升酌酢主人主人拜受爵

下養復兄弟

位不復升也

養

上養即位坐答拜

既授爵戶

主人坐祭卒爵拜上養答

內乃就坐

拜受爵降實于篚

○上養

主人出立于戶外西面

事餞

者禮

畢

右嗣子長兄弟養○愚於此節不能無疑嗣子子也
主人拜祝拜醑拜受酢如事嚴賓然為之子者何以
安乎

祝命徹俎豆籩設于東序下

命佐食作俎主人之
俎宗婦不徹豆籩徹禮

略各有為而已設于東序下亦將燕
也○此下言徹薦俎改設饌為陽厭

祝執其俎以出東

面于戶西

俟告利成少牢下篇曰
祝告利成乃執俎以出

宗婦徹祝豆籩入于

房徹主婦薦俎

宗婦既並徹徹其卑者士
虞禮曰祝薦席徹入于房

佐食徹尸薦

俎敦設于西北隅凡在南扉用筵納一尊佐食闔牖戶

降

屏隱也。不知神之所在。或諸遠人乎。尸謾而改饌為幽闇。庶其饗之。所以為厭。飲少牢饋食禮曰。南面如

饋之設。此所謂當室之白。陽厭也。則尸未入之前。為陰厭矣。曾子問曰。殤不備祭。何謂陰厭。陽厭也。○室中未養前。先已徹去。庶羞此時佐食。又徹。昨俎豆籩。祝自執其俎。出宗婦又徹。祝豆籩入房。唯餘尸兩薦豆三俎。各三个。兩敦兩鉶。自西南隅改饌於西北隅。為陽厭也。疏云。引少牢者。見彼大夫禮。陽厭南面。此士禮東面。雖面位不同。當室之白則同。又云。祭于奧中。不得戶明。故名陰厭。改饌西北隅。以向戶明。故為陽厭。○厭一艷反。

祝告利成。降出主人降。即位宗人告事畢。

右改饌陽厭

賓出主人送于門外再拜

拜送賓也。凡去者不答拜。

佐食徹昨俎堂

下俎畢出

記俎出節兄弟及衆賓自徹而出唯賓俎有司徹歸之尊賓者○方祝命佐食徹昨俎之

時堂下衆俎畢出先徹室中乃徹堂下故云記俎出節也

右禮畢送賓

記

特牲饋食其服皆朝服玄冠緇帶緇韠

於祭服此也皆者謂賓及兄弟

筮日筮尸視濯亦玄端至祭而朝服朝服者諸侯之臣與其君日視朝之服大夫以祭命賓兄弟緣孝子欲得嘉賓尊客以事其祖禰故服之緇韠者下大夫之臣夙興主人服如初則固玄端

唯尸祝佐食

玄端玄裳黃裳雜裳可也皆爵韠

與主人同服周禮士之齊服有玄端

素端然則玄裳上士也
黃裳中士雜裳下士

記祭時衣冠

設洗南北以堂深東西當東榮

榮屋翼也

水在洗東

祖天地之左海

筐在洗西南順實二爵二觚四觶一角一散

順從也言南從統於

堂也二爵者謂賓獻爵止主婦當致也二觚長兄弟酌
衆賓長為加爵二人班同迎接並也四觶一酌奠其三
長兄弟酬賓卒受者與賓弟子兄弟弟子舉觶於其長
禮殺事相接禮器曰貴者獻以爵賤者獻以散尊者舉
觶卑者舉角舊說云爵一升觶
二升觶三升角四升散五升

壺於禁饌于東序南順

覆兩壺焉蓋在南明日卒奠冪用綌即位而徹之加勺

覆壺者盥瀝水宜為其不宜塵冪用綌以其堅潔禁言
於者祭尚厭飲得與大夫同器不為神戒也○覆壺者
謂倒置其壺口下腹上以漉滌濯之水且免塵垢至明
日尊于戶東時始注酒其中蓋在南蓋即綌冪未奠不
設冪卒奠乃設之奠者祝洗

邊巾以綌也纁裏棗烝栗

擇邊有巾者果實之物多皮核優尊者可烝
裏之也烝擇互文舊說云纁裏者皆玄被

綌筆用苦

若薇皆有滑夏葵冬苴

苦苦茶也苴苴屬乾之冬滑於
葵詩云周原膾膾苴茶如飴云

今文苦為苴苴
乃地黃非也

棘心匕刻

刻若今
龍頭

牲爨在廟門外東南

魚腊爨在其南皆西面饎爨在西壁

饎炊也西壁堂之
西牆下舊說云南

北直屋梠
稷在南

肝俎心舌皆去本末午割之實于牲鼎載心

立舌縮俎

午割從橫割之亦勿沒立縮順其牲心
舌知食味者欲尸之饗此祭是以進之

賓與

長兄弟之薦自東房其餘在東堂

東堂東夾之前近南
○疏曰其餘謂衆賓

兄弟之
薦也

記器具品物陳設之法

沃尸盥者一人奉槃者東面執匱者西面淳沃執巾者

在匱北

匱北執匱之北亦西面每事各
一人淳沃稍注之今文淳作激

宗人東面取巾

振之三南面授尸卒執巾者受

宗人代授
巾庭長尊

尸入主人及

賓皆辟位出亦如之

辟位
逡遁

記事尸之禮

嗣舉奠佐食設豆鹽

肝宜鹽也

佐食當事則戶外南面無事

則中庭北面

當事將有事而未至

凡祝呼佐食許諾

呼猶命也

宗人獻

與旅齒於衆賓

尊庭長齒從其長幼之次

佐食於旅齒於兄弟

記佐食所事因及宗人佐食齒列

尊兩壺于房中西牖下南上

為婦人旅也其尊之節亞西方○尊之亞西方者謂

設尊兩階時先阼階次西方又次乃於房中故云亞也

內賓立于其北東面南上

宗婦北堂東面北上

二者所謂內兄弟內賓姑姊妹也宗婦族人之婦其夫屬于所祭為

子孫或南上或北上宗婦宜統於主婦主婦南面北堂中房而北○姑姊妹賓類自取曲禮云東鄉西鄉以南方為上宗婦取統於主
主婦及內賓宗婦亦旅西面
西面
婦主婦北堂南面故也
者異於獻也男子獻於堂上旅於堂下婦人獻於南面旅於西面內賓象衆賓宗婦象兄弟其節與其儀依男子也主婦酬內賓之長酌奠于薦左內賓之長坐取奠於右宗婦之娣婦舉觶於其娣婦亦如之內賓之長坐取奠觶酬宗婦之娣婦亦如之內賓之少者宗婦之娣婦各舉觶於其長並行交錯無算其拜
及飲者皆西面主婦之東南
宗婦贊薦者執以坐于戶外授主婦

記設內導與內兄弟面位旅酬贊薦諸儀

尸卒食而祭饔饔雍饔

雍孰肉以尸享祭竈有功也舊說云宗婦祭饔饔亨者祭雍饔

用黍肉而已無籩豆俎禮罷曰燂燎於饔夫饔者老婦之祭盛於盆尊於瓶

記祭竈之節

賓從尸俎出廟門乃反位

賓從尸送尸也士之助祭終其事也俎尸俎也賓既送尸

復入反位者宜與主人為禮乃去之

記賓送尸反位之節

尸俎右肩臂臠肫胙正脊二骨橫脊長脅二骨短脅

尸俎

神俎也士之正祭禮九體貶於大夫有併骨二亦得十一之名合少牢之體數此所謂放而不致者凡俎食之

數奇脊無中脊無前貶於尊者不貶正脊不奪正也正脊二骨長脊二骨者將舉於尸尸食未飽不欲空神俎

○故而不膚三為養用二離肺一離猶搗也小而長午致禮罷文厭飫一也

舉肺三為尸主人主婦祭今文判為切魚十有五陰中之物取數於

月十有五而盈少牢饋食禮亦云十有五而俎尊卑同此所謂經而等也○經而等亦禮罷文腊如

牲骨不但言體以有祝俎髀脰脊二骨脅二骨凡接於神及尸

者俎不過牲三體以特性約加其可併者二亦得奇名少牢饋食禮羊豕各三體○疏云加其可併者二骨者

是尊祝也膚一離肺一胾俎臂正脊二骨橫脊長脊二骨短

膚主人尊欲其體得祝之加數五體又膚一離肺一主於可併者二亦得奇名臂左體臂

婦俎穀折

穀後足折分後右足以為佐食俎不分左臠折辟大夫妻

其餘如昨俎

餘謂

脊脅膚肺

佐食俎穀折脊脅

三體卑者從正

膚一離肺一賓骼長兄

弟及宗人折其餘如佐食俎

骼左骼也賓俎全體尊賓不用尊體為其已甚卑而

全之其宜可也長兄弟及宗人折不言所分略之

衆賓及衆兄弟內賓宗婦若

有公有司私臣皆穀胥

又略此所折骨直破折餘體可穀者升之俎一而已不備三者

賤祭禮接神者貴凡骨有肉曰穀祭統曰凡為俎者以骨為主貴者取貴骨賤者取賤骨貴者不重賤者不虛示均也俎者所以惠之必均也善為政者如此故曰見政事之均焉公有司亦士之屬命於君者也私臣自己

所辟除者

膚一離肺一

記諸俎牲體之名數

公有司門西北面東上獻次衆賓私臣門東北面西上

獻次兄弟升受降飲

獻在後者賤也祭祀有上事者貴之亦皆與旅○上事堂上之事羣

吏中擇取為賓為衆賓是皆有上事者在門外時同在門西東面北上及其入賓與衆賓適西階以俟行事其不在選中者則北面如此記所陳其得獻之序或次衆賓或次兄弟也亦皆與旅謂此二等得獻雖後與旅則也同也

記羣吏面位獻法

儀禮鄭註句讀卷十五

欽定四庫全書

儀禮鄭註句讀卷十六

濟陽張爾岐撰

少牢饋食禮第十六

鄭目錄云諸侯之卿大夫祭其祖禰於廟之禮羊豕曰少牢少

牢於五禮屬吉禮大戴第八小戴第十一別錄第十六○疏曰鄭知諸侯之卿大夫者曲禮下云大夫以索牛用太牢是天子卿大夫明此用少牢為諸侯之卿大夫可知賓尸是卿不賓尸為下大夫為異也

少牢饋食之禮

禮將祭祀必先擇牲繫於牢而芻之羊豕曰少牢諸侯之卿大夫祭宗廟之牲

○疏曰自此盡如初論卿大夫祭前十日先筮日之事又云羊豕曰少牢者對三牲具為太牢但非一牲即得

牢稱一牲即不得牢名可

日用丁巳

內事用彙曰必丁巳者取其令名自

言持牲也○少詩召反

丁寧自變改皆為敬謹必先

筮旬有一日

旬十日也以先月下句之

已筮來月上句之已○註言已

筮於廟門之外主人朝

服西面于門東史朝服左執筮右抽上韝無與筮執之

東面受命于主人

史家臣主筮事者○疏云主人朝服者為祭而筮還服祭服○朝直遙反

韝徒木反

主人曰孝孫某來日丁亥用薦歲事于皇祖伯某

以某妃配某氏尚饗

丁未必亥也直舉一日以言之耳禘于太廟禮曰日用丁亥不得丁

亥則已亥辛亥亦用之無則苟有亥馬可也薦進也進歲時之祭事也皇君也伯某且字也大夫或因字為諡

春秋傳曰魯無駭卒請諡與族公命之以字為展氏是也若仲叔季亦曰仲某叔某季某某妃某妻也合食曰配某氏若言姜氏子氏也尚庶幾饗歆也○疏云禘于太廟日用丁亥大戴禮文不得丁亥則已亥辛亥亦用之者以吉事先近日惟用上旬若上旬內不得丁巳配亥苟有亥焉可也若並無亥則餘陰辰亦用之春秋所書有事太廟固不盡丁巳配亥也經云伯某是正祭之稱若時有告請而非常祭祀則去伯直云且字言某甫卿大夫無諡正祭與非常祭一皆言五十字在子上與士正祭禮同直云某子聘禮記皇考某子是也若士告請之祭則稱且字○註伯某且字也以其字無可指故且言某以擬之且者聊且解經言某之意也非謂人之字為且字也疏乃云如何祭則直云且字如何祭則言五十字似人之字有且有不且大失註意矣此其立言之未善也士喪禮筮宅宅註云某甫且字也若言山甫孔甫矣彼處疏云孔甫之等是實字以某甫擬之是且字

却甚分明可以證此處之失註又云大夫或因字為諡未聞其說顧炎武云諡乃氏之謚鄭君因左氏傳而誤耳經文某氏在某妃配之下文義亦未詳史曰諾西面于門西抽下鞮左執

筮右兼執鞮以擊筮

將問吉凶焉故擊之以動其神易曰著之德圓而神○疏云筮者是

著以其用著為筮故名著為筮遂述命曰假爾大筮有常孝孫某來日

丁亥用薦歲事于皇祖伯某以某妃配某氏尚饗

述循也重

以主人辭告筮也假借也言因著之靈以問之常吉凶之占繇○註以常為吉凶占繇謂易卦爻之辭愚詳文義似謂著有常德即知吉凶之德所謂圓而神者也顧炎武云假大也大筮之大音太○繇直又反乃

釋鞮立筮

卿大夫之著長五尺立筮由便○對士著三尺則坐筮為便

卦者在左坐

卦以木卒筮乃書卦于木示主人乃退占

卦者史之屬也卦以木者

每一爻畫地以識之六爻備書於板史受以示主人退占東面旅占之

吉則史讀筮史兼

執筮與卦以告于主人占曰從

從者求吉得吉之言

乃官戒宗人

命滌宰命為酒乃退

官戒戒諸官也當共祭祀事者使之具其物且齊也滌漑濯祭罷埽

除宗廟

若不吉則及遠日又筮日如初

及至也遠日及至也遠日

右筮祭日

宿

宿讀為肅肅進也大夫尊儀益多筮日既戒諸官以齋戒矣至前祭一日又戒以進之使知祭日當來古

文宿皆作羞○疏曰自此盡改筮尸論筮尸宿尸及宿諸官之事云大夫尊儀益多者大夫宿宿戒兩有士有宿

而無戒

前宿一日宿戒尸

皆肅諸官之日又先肅尸者重所用為尸者又為將筮○

是儀畧當祭前二日先

明日朝服筮尸如筮日之儀命曰孝孫

戒當為尸者

某來日丁亥用薦歲事于皇祖伯某以某妃配某氏以

某之某為尸尚饗筮卦占如初

某之某者字尸父而名尸也字尸父尊鬼神也

不前期三日筮尸者大夫下人君祭之朝乃視濯與士異

吉則乃遂宿尸祝擯

筮吉又遂

肅尸重尸也既肅尸乃肅諸官及執事者祝為擯者尸神象

主人再拜稽首祝告曰

孝孫某來日丁亥用薦歲事于皇祖伯某以某妃配某

氏敢宿

告尸以主人為此事來

尸拜許諾主人又再拜稽首主人

退尸送揖不拜

尸不拜者尸尊

若不吉則遂改筮尸

即改筮之不及遠日

右筮尸宿尸宿諸官

既宿尸反為期于廟門之外

為期肅諸官而皆至定祭早晏之期為期亦夕時也

言既肅尸反為期明大夫尊肅尸而已其為賓及執事者使人肅之○疏曰自此盡曰諾乃退論宗人請祭期

之事主人門東南面宗人朝服北面曰請祭期主人曰比

於子

比次早晏在於子也主人不西面者大夫尊於諸官有君道也為期亦唯尸不來也○比推量也推

量祭時之早晚唯在於子子謂宗人

宗人曰旦明行事主人曰諾乃退

旦明

旦日
贊明

右為祭期

明日主人朝服即位于廟門之外東方南面宰宗人西

面北上牲北首東上司馬刲羊司士擊豕宗人告備乃

退

刲擊皆謂殺之此實既省告備乃殺之文互者省文也尚書傳羊屬火豕屬水○疏曰自此盡東榮論視

殺視濯之事又云人君視牲視殺別日大夫視牲視殺同日人君殺牲于門內大夫士殺于門外○刲豕圭反

雍人概鼎匕俎于雍爨雍爨在門東南北上

雍人掌割烹之事者

爨竈也在門東南統於主人北上羊豕魚腊皆有竈廩西有鎡凡概者皆陳之而後告絜○概濯拭之也廩

人概甑甗匕與敦于廩爨廩爨在雍爨之北

廩人掌米入之藏者

甌如甌一孔也所以匕黍稷者也古文甌為烝○雍爨以烹牲廩爨以熟黍稷○甌子孕反甌魚展反殺音對司宮概豆籩勺爵觚觶几洗篚于東堂下勺爵觚觶實于篚卒概饌豆籩與篚于房中放于西方設洗于阼階東南當東榮放猶休也大夫攝官司宮兼掌祭器也○司宮概此九種祭器其酌酒之器則實之於篚西方房中近西處也篚謂實酒器者○放方往反

右祭日視殺視濯

羹定雍人陳鼎五三鼎在羊鑊之西二鼎在豕鑊之西

魚腊從羊膚從豕統於牲○疏曰自此盡司馬升羊右簞巾于西階東論鼎及豆籩盤匱等之事

胖髀不升肩臂臑膊肱正脊一脰脊一橫脊一短脅一

正脅一代脅一皆二骨以竝臑三胃三舉肺一祭肺三

實于一鼎

升猶上也上右胖周所貴也髀不升近竅賤也肩臂臑肱骨膊肱股骨脊從前為正脅旁

中為正脊先前脅先後屈而反猶髀之絳也竝併也脊骨多六體各取二骨併之以多為貴舉肺一尸食所

先舉也祭肺三為尸主人主婦古文胖皆作辯髀皆作胖今文竝皆為併○膊音純又說文之允反司士

升豕右胖髀不升肩臂臑膊肱正脊一脰脊一橫脊一

短脅一正脅一代脅一皆二骨以竝舉肺一祭肺三實

于一鼎

豕無腸胃君予不食潤腴

雍人倫膚九實于一鼎

倫擇也膚骨革肉擇

之取司士又升魚腊魚十有五而鼎腊一純而鼎腊用美者

麋

司士又升副倬者合升左右胖曰純純猶全也○此司士與前升豕者非一人故註云是其副貳也卒

胥皆設局冪乃舉陳鼎于廟門之外東方北面北上

北以上嚮內相隨古文冪皆為密○司宮尊兩甒于房戶

之間同於皆有冪甒有玄酒房戶之間房西室戶東也

去足改名優尊者若不為之戒然古文甒皆作廡今文冪作冪司宮設罍水于洗東有

料設篚于洗西南肆料對水器也凡設水用罍沃盥用

鄭云禮在此者謂全經中言設水之法其文詳於此也○料音主料九于反改饌豆邊于房

中南面如饋之設實豆籩之實

改更也為實之更之威儀多也如饋之設如其

陳之左右也饋設東面○此承上文亦司宮為之前饌豆籩房中依於西方今欲實之乃更陳如饋時之次第也豆籩之實謂道醢等

小祝設槃匱與簞巾于西階東

為尸將盥

右羹定實鼎饌器

主人朝服即位于阼階東西面

為將祭也○疏曰自此盡革順論祭時將至布

設舉鼎上載之事

司宮筵于奧祝設几于筵上右之

布陳神坐也室中西

南隅謂之奧席東面近南為右

主人出迎鼎除鼎士盥舉鼎主人先入

道之也主人不盥不舉○士禮自舉鼎則盥

司宮取二勺于篚洗之兼執以

升乃啓二尊之蓋罍奠于楹上加二勺于二尊覆之南

柄二尊兩觚也今文柄為方○勺以挹酒者鼎序入雍正執一匕以從雍府

執四匕以從司士合執二俎以從司士贊者二人皆合

執二俎以相從入助陳鼎于東方當序南于洗西皆西

面北上膚為下匕皆加于鼎東枋膚為下以其加也南于洗西陳于洗西南

○既有豕鼎復取膚別為一鼎故謂之加也俎皆設于鼎西西肆所俎在羊

俎之北亦西肆所俎在北將先載也異其設文不當鼎宗人遣賓就主人

皆盥于洗長枋長枋者長賓先次賓後也主人不枋言就主人者明親臨之古文枋作匕佐

食上利升牢心舌載于肝俎心皆安下切上午割勿沒

其載于肝俎末在上舌皆切本末亦午割勿沒其載于

肝橫之皆如初為之于爨也

牢羊豕也安平也平割其下於載便也凡割本末食

必正也午割使可絕勿沒為其分散也肝之為言敬也所以敬尸也周禮祭尚肺事尸尚心舌知滋味今

文切皆為刺

佐食遷肝俎于阼階西西縮乃反佐食二人上

利升羊載右胖髀不升肩臂臄膊脰正脊一脰脊一橫

脊一短脅一正脅一代脅一皆二骨以竝腸三胃三長

皆及俎拒舉肺一長終肺祭肺三皆切肩臂臄膊脰在

兩端脊脅肺肩在上

升之以尊卑載之以體次各有宜也拒讀為介距之距俎距脰中當

橫節也凡牲體之數及載備於此○脊脅肺肩在上肩字殆誤唐石本吳澄本並同今按上文已言肩不當重出且遺胃則肩字即胃字之誤可知

下利升豕其載如羊無腸胃體其載

于俎皆進下

進下變於食生也所以交於神明不敢以食道敬之至也鄉飲酒禮進膝羊次其體

豕言進下互相見○食生人之法進膝膝骨之本下骨之末進下者以骨之末向神也○膝十候反

司士

三人升魚腊膚魚用鮒十有五而俎縮載右首進腴右首

進腴亦變於食生也有司載魚橫之少儀曰羞濡魚者進尾○有司載魚橫之即下篇有司徹引此及少儀欲見正祭與饋

腊一純而俎亦進下肩在上

如羊豕凡腊之體載禮在

此膚九而俎亦橫載革順

列載於俎令其皮相順亦者亦其骨體○亦橫載上牲體

橫載此膚亦然革順者膚相次而作行列則其皮順也

右將祭即位設几加勺載俎

卒胥祝盥于洗升自西階主人盥升自阼階祝先入南

面主人從戶內西面

將納祭也○疏曰自此盡主人又再拜稽首論先設置為陰厭之事

也○載牲於俎亦謂之胥

主婦被錫衣侈袂薦自東房韭菹醯醢坐

奠于筵前主婦贊者一人亦被錫衣侈袂執葵菹醯醢

以授主婦主婦不興遂受陪設于東韭菹在南葵菹在

北主婦興入于房

被錫讀為髮髻古者或別賤者刑者之髮以被婦人之紒為飾因名髮髻

焉此周禮所謂次也不纓笄者大夫妻尊亦衣綃衣而侈其袂耳侈者蓋半士妻之袂以益之袂三尺三寸祛尺八寸韭菹醢醢朝事之豆也而饋食用之豐大夫禮葵菹在絳今文羸為蝸○周禮追師掌王后以下副編次鄭彼註云副首飾若今步搖編編列髮為之若今假紒次次第髮長短為之所謂髮髻髮髻者即此文也特牲主婦士妻纓笄而綃衣此大夫妻則首服次亦綃衣而侈其袂侈袂者士妻綃衣袂二尺二寸祛尺二寸此大夫妻綃衣則三分益一袂三尺三寸祛尺八寸故註云半士妻之袂以益之韭菹醢醢本天子祭祀薦腥所用之豆共有八種此用其二以饋食故註云豐大夫禮韭菹在醢醢之南葵菹在羸醢之北菹醢錯對是在絳也○髮皮義反髻反

佐食上利執羊俎下利執豕俎司士

三人執魚腊膚俎序升自西階相從入設俎羊在豆東

豕亞其北魚在羊東腊在豕東特膚當俎北端

相助也
○特膚

者膚俎單設在
四俎之北也

主婦自東房執一金敦黍有蓋坐設于

羊俎之南婦贊者執敦稷以授主婦主婦興受坐設于

魚俎南又興受贊者敦黍坐設于稷南又興受贊者敦

稷坐設于黍南敦皆南首主婦興入于房

敦有首者尊者
器飾也飾

蓋象龜周之禮飾器各以其類龜有上下
甲今文曰主婦入于房○設黍稷亦綽也

祝酌奠遂命

佐食啓會佐食啓會蓋二以重設于敦南

酌奠酌酒為
神奠之後酌

者酒尊要成也特性饋食禮曰祝洗酌奠奠于銅南重累之

主人西面祝在左主人

再拜稽首祝曰孝孫某敢用柔毛剛鬣嘉薦普淖用

薦歲事于皇祖伯某以某妃配某氏尚饗主人又再拜

稽首

羊曰柔毛豕曰剛鬣嘉薦菹醢也普淖黍稷也普大也淖和也德能大和乃有黍稷春秋傳曰奉淖

以告曰潔淖豐盛謂其三時不害而民和年豐也○牲物異號以殊人用也春秋傳桓六年隨季梁之言引之者以証普淖之義

右陰厭

祝出迎尸于廟門之外主人降立于阼階東西面祝先

入門右尸入門左

主人不出迎尸伸尊也特牲饋食禮曰尸入主人及賓皆辟位出亦如之

祝入門右者辟尸盥也既則後尸○疏曰自此盡牢肺正脊加于肸論尸入正祭之事愚案此正祭內尸入妥

尸尸十一飯又自二節

宗人奉槃東面于庭南一宗人奉匱水西

面于槃東一宗人奉簞中南面于槃北乃沃尸盥于槃

上卒盥坐奠簞取巾興振之三以授尸坐取簞興以受

尸巾

庭南沒雷○疏曰庭南者於庭近南是沒盡門屋雷近門而盥也

祝延尸尸升自

西階入祝從

由後詔相之曰延延進也周禮曰大祝相尸禮祝從從尸升自西階

主人升

自阼階祝先入主人從

祝接神先入宜也

尸升筵祝主人西面

立于戶內祝在左

主人由祝後而居右尊也祝從尸尸即席乃卻居主人左祝主人

皆拜安尸尸不言尸答拜遂坐

拜安尸拜之使安坐也尸自此答拜遂坐而卒

食其間有不啐奠不嘗鉶不告旨大夫之禮尸彌尊也不告旨者為初亦不饗所謂曲而殺○特牲有啐酒嘗鉶告旨主人拜尸答拜不得遂坐鄭解此經遂坐而卒食以其間皆無此禮又特牲有祝饗之禮士賤不嫌與君同故尸亦告旨此經初不祝饗故尸亦不告旨是殺於君禮也曲而殺禮器文祝反南面未

事也墮祭爾敦官各肅其職不命○方陰厭之初祝入南面此既無事故反其位○墮許規反

右迎尸入安尸

尸取韭菹辯桺于三豆祭于豆間上佐食取黍稷于四

敦下佐食取牢一切肺于俎以授上佐食上佐食兼與

黍以授尸尸受同祭于豆祭

牢羊豕也同合也合祭於豆祭之祭也黍稷之祭為

墮祭將食神餘尊之而祭之今文辯為徧○合祭于豆祭豆祭即韭菹之祭于豆間者祭黍稷者就器減取而祭故名墮祭祭畢斂而藏之肺與黍稷皆名為墮周禮守祧職既祭則藏其墮是也先陳設為陰厭尸後來即席食是尸餽鬼神之餘故尊而祭之非盛主人之饌而祭也

上佐食舉尸牢肺正脊

以授尸上佐食爾上敦黍于筵上右之

爾近也或曰移也右之便尸食

也重言上佐食明更起不相因○吳氏云授尸下有尸受祭肺四字今案唐石本亦無四字唯下文食舉疏云云舉牢肺正脊也者上文云上佐食舉尸牢肺正脊以授尸尸受祭肺明今食先云食舉是上牢肺正脊也據

此文則賈作疏時經文尚有尸受祭肺四字故吳云然也

主人羞所俎升自阼階置

于膚北

羞進也所敬也親進之主人敬尸之加

上佐食羞兩鉶取一羊鉶

于房中坐設于韭菹之南下佐食又取一豕鉶于房中

以從上佐食受坐設于羊鉶之南皆芼皆有杞尸扱以

杞祭羊鉶遂以祭豕鉶嘗羊鉶

芼菜也羊用苦豕用薇皆有滑○芼亡報反

食舉

舉牢肺正脊也先食啗之以為道也

三飯

食以黍○疏云以前文先言爾黍故知先食黍上爾

黍條下疏云特牲黍稷此及虞皆不云稷者文不具也其實亦爾之不虛陳而不食也

上佐食舉

尸牢幹尸受振祭濟之佐食受加于肝

幹正脅也古文幹為肝

上

佐食羞載兩瓦豆有醢亦用瓦豆設于薦豆之北

設于薦豆

之北以其加也四豆亦緡羊載在南豕載在北無臠臠者尚牲不尚味

尸又食食載上佐

食舉尸一魚尸受振祭齊之佐食受加于所橫之

又復也或

言食或言飯食大名小數曰飯魚橫之者異於肉○疏云一口謂之一飯故云小數曰飯大夫不儻尸者於此

時亦當設大羹○數所角反

又食上佐食舉尸腊肩尸受振祭齊之

上佐食受加于所

腊魚皆一舉者少牢二牲略之腊必舉肩以肩為終也別舉魚腊崇威儀

○少牢二牲略之者對特牲三舉獸魚別舉魚腊崇威儀者對特牲魚獸常一時同舉以肩為終者牲體貴肩

以所貴者終也

又食上佐食舉尸牢骼如初幹也

又食不舉者卿大夫

之禮不過五舉須脩尸○疏曰云五舉者舉牢肺一也又舉牢幹二也又舉一魚三也又舉腊肩四也又舉牢也五尸告飽祝西面于主人之南獨脩不拜脩曰皇尸

未實脩

脩勸也祝獨勸者更則尸飽實猶飽也祝既脩復反南面○祝獨脩者不與主人共脩也疏曰

云祝既脩復反南面者尸內主人及祝有事之位尸席北祝無事之位今脩訖亦復尸北南面位也尸又

食上佐食舉尸牢肩尸受振祭饔之佐食受加于胾四

牢體始於正脊終於肩尊於終始○正脊及肩皆牲體之貴者

尸不飯告飽祝西面于

主人之南

祝當贊主人辭

主人不言拜脩

祝言而不拜主人不言而拜親疏之宜

尸又三飯

為祝一飯為主三飯尊卑之差尸十一飯下人君也

上佐食受尸牢

肺正脊加于所

言受者尸授之也尸受牢幹而實舉于菹豆食畢操以授佐食焉○牢肺正脊

即上文所云食舉也初食舉不言置舉之所至此十一飯後乃言上佐食受尸牢肺正脊加于所以持牲禮約推之方尸三飯上佐食舉牢幹時尸蓋置舉於菹豆至此食畢尸乃於菹豆上取而授上佐食也

右尸十一飯是謂正祭

主人降洗爵升北面酌酒乃醕尸尸拜受主人拜送

醕猶

羹也既食之而又飲之所以樂之古文醕作酌○疏曰自此盡折一膚論主人醕尸之事云醕猶羹也者取饒羹之義故以為樂之也愚案此初獻禮主人獻尸尸酢主人遂致嘏主人獻祝主人獻佐食凡四節尸祭

酒啐酒賓長羞牢肝用俎縮執俎肝亦縮進末鹽在右

羞進也縮從也鹽在肝右便尸換之古文縮為感○疏云鹽在肝右據賓長西面手執而言若至尸前鹽在尸之左尸以右手取肝向左換之便也尸左執爵右魚取肝換于俎鹽振祭

齊之加于菹豆卒爵主人拜祝受尸爵尸答拜

兼兼羊豕

右主人獻尸

祝酌授尸尸醑主人主人拜受爵尸答拜主人西面奠

爵又拜

主人受酢酒俠爵拜彌尊尸○疏云祝代尸酌已足是尊尸今拜受訖又拜是彌尊尸也

上

佐食取四敦黍稷下佐食取牢一切肺以授上佐食上

佐食以綏祭

綏或作倅倅讀為墮將受嘏亦尊尸餘而祭之古文墮為倅○取四敦黍稷於四敦

中各取少許也上佐食以綏祭者以此黍稷及切肺授主人為墮祭也綏許規反綏及墮讀並同○綏許規反

主人左執爵右受佐食坐祭之又祭酒不興遂啐酒右

佐食右手受墮於佐食也至此言坐祭之者明尸與主人為禮也尸恒坐有事則起主人恒立有事則坐祝

與二佐食皆出盥于洗入二佐食各取黍于一敦上佐

食兼受搏之以授尸尸執以命祝命祝以嘏辭○命祝使出嘏辭也卒

命祝祝受以東北面于戶西以嘏于主人曰皇尸命工

祝承致多福無疆子女孝孫來女孝孫使女受祿于天

宜稼于田眉壽萬年勿替引之嘏大也予主人以大福工官也承猶傳也來讀

曰釐釐賜也耕種曰稼勿猶無也替廢也引長也言無廢止時長如是也古文嘏為格祿為福眉為微替為袂袂或為戴戴替聲相近○女音汝袂音決戴大結反

主人坐奠爵興再拜稽首興

受黍坐振祭嘯之詩懷之實于左袂挂于季指執爵以

興坐卒爵執爵以興坐奠爵拜尸答拜執爵以興出宰

夫以籩受粢黍主人嘗之納諸內

詩猶承也實於左袂便右手也季猶小也

出出戶也宰夫掌飲食之事者收斂曰粢明豐年乃有黍稷也復嘗之者重之至也納猶入也古文挂作卦

右尸酢主人命祝致嘏

主人獻祝設席南面祝拜于席上坐受

室中迫狹○室中迫狹故祝拜

席上也疏曰士大夫廟皆兩下五架正中曰棟棟南兩架北亦兩架棟南一架名曰楣前承簷以前名曰殿棟北一架為室南壁而開戶即是主人西面答拜不言拜一祭之開廣為室故云迫狹也

薦兩豆菹醢

葵菹 羸醢

佐食設俎牢髀橫脊一短脅一腸一胃

一膚三魚一橫之腊兩髀屬于尻

皆升下體祝賤也魚橫者四物共俎殊之

也腊兩髀屬于尻尤賤不殊○註云四物謂羊豕魚腊也腊用左右胙故用兩髀尻比髀為尤賤因不殊別之

也○尻祝取菹換于醢祭于豆間祝祭俎

大夫祝俎無肺祭用膚遠

下尸不齊之膚不盛○疏云特牲尸俎有祭肺離肺祝俎有離肺無祭肺是下尸今大夫祝祭肺離肺俱無是

遠下尸也離肺祭訖齊之加于祭酒啐酒肝牢從祝取

俎今以膚替肺是不盛故不齊

肝揆于鹽振祭臍之不興加于俎卒爵興

亦如佐食授爵乃興不拜

既爵大夫祝賤也。疏云特牲祝卒爵則拜士卑祝不賤也。

右主人獻祝

主人酌獻上佐食上佐食戶內牖東北面拜坐受爵主

人西面答拜佐食祭酒卒爵拜坐授爵興

不啐而卒爵者大夫之佐

食賤禮略。疏云特牲士之佐食亦啐。

俎設于兩階之間其俎折一膚

佐食

不得成禮於室中折者擇取牢正體餘骨折分用之有胥而無薦亦遠下尸。疏云有胥即俎實是也無薦謂無菹醢也無肺已是下尸又無薦是遠下尸也。主人又獻下佐食亦如之其胥

亦設于階間西上亦折一膚

上佐食既獻則出就其俎
特牲記曰佐食無事則中

庭北面謂此時○西上者
上佐食俎在西此在其東

右主人獻兩佐食初獻禮竟

有司贊者取爵于篚以升授主婦贊者于房中

男女不相因特

牲饋食禮曰佐食卓角主人受角降反于篚○疏曰自此盡入于房論主婦亞獻尸祝與佐食之事○此亞獻禮內主婦獻尸尸醋主婦主婦獻祝主婦獻佐食亦四節註引特牲禮者見此亦主人受佐食爵反于篚贊者別取爵授主婦是男婦贊者受以授主婦主婦洗于房女不因爵而用也

中出酌入戶西面拜獻尸

入戶西面拜由便也下北面者辟人君夫人也拜而後獻

者當俠拜也。婚禮曰：婦洗在北堂直室東隅。○引昏禮者明此經婦洗所在亦然也。尸拜受主婦

主人之北西面拜送爵。

拜於主之北西面。婦人位在內。此拜於北則上拜於南由便也。

尸祭酒卒爵。主婦拜祝受尸爵。尸答拜。

右主婦獻尸

易爵洗酌授尸

祝出易爵男。女不同爵。

主婦拜受爵。尸答拜上佐

食綏祭主婦西面于主人之北受祭祭之。其綏祭如主

人之禮不啻卒爵拜尸答拜。

不啻夫婦一體綏亦當作按古文為斯。

右尸酢主婦

主婦以爵出贊者受易爵于篚以授主婦于房中

贊者有司

贊者也易爵亦以授婦贊者婦贊者受房戶外入授主婦主婦洗酌獻祝祝拜坐受

爵主婦答拜于主人之北卒爵不興坐授主婦

不俟拜下尸也

今文曰祝拜受

右主婦獻祝

主婦受酌獻上佐食于戶內佐食北面拜坐受爵主婦

西面答拜祭酒卒爵坐授主婦主婦獻下佐食亦如之

主婦受爵以入于房

不言拜於主人之北可知也爵奠於內篚

右主婦獻兩佐食亞獻禮竟

賓長洗爵獻于尸尸拜受爵賓戶西北面拜送爵尸祭

酒卒爵賓拜祝受尸爵尸答拜

自此至于其筵前論賓長終獻之禮賓長獻

尸尸醋賓長賓長獻祝凡三節

右賓長獻尸

祝酌授尸賓拜受爵尸拜送爵賓坐奠爵遂拜執爵以興坐祭遂飲卒爵執爵以興坐奠爵拜尸答拜

右尸醋賓長

賓酌獻祝祝拜坐受爵賓北面答拜祝祭酒啐酒奠爵

于其筵前

啐酒而不卒爵祭事畢示醉也不獻佐食將
饋尸禮殺○疏曰案特牲賓長獻爵止註云

欲神惠之均于室中待夫婦致爵此大夫禮或有饋尸
者致爵在饋尸之上故不致爵爵不止也若然有司徹
尸作止爵三獻致爵於主人主人不酢主婦又不致爵
於主婦下大夫不饋尸賓獻尸止爵主婦致爵於主人
酢主婦主人不致於主婦特牲主人與主婦交致爵
參差不同者此以尊卑為差降之數故有異也上大夫
得饋尸故致爵上辟人君下大夫不饋尸故增
酢主婦而已士卑不嫌與君同故致爵具也

右賓長獻祝終獻禮竟

主人出立于阼階上西面祝出立于西階上東面祝告

曰利成

利猶養也成畢也孝子之養禮畢

祝入尸謖主人降立于阼階

東西面

謖起也謖或作休。謖所六反

祝先尸從遂出于廟門

事尸之禮訖於

外廟門

右祭畢尸出廟

祝反復位于室中主人亦入于室復位祝命佐食徹胙

俎降設于堂下阼階南

徹胙俎不出門將傭尸也胙俎而以傭尸者其本為不反魚肉

耳不云尸俎未歸尸

○疏曰自此盡篇末論徹胙俎行

餽之事。胙俎之設本為尸食魚肉不可反於俎故加

於胙俎今擬傭尸將更食魚肉故畱此

司宮設對席乃

四人養

大夫禮四人養明惠大也。設對席者對尸席而設西向之席四人養二在尸席二在對席凡

餽之道施惠之象故四人餽為惠大對特牲二人餽為惠小也

上佐食盥升下佐食對

之賓長二人備

備四人餽也三餽亦盥升。備者兩佐食之外又以賓二人充此數也上佐食

升居尸席下佐食西向對之疏云下佐食雖云西向對實近北不得東西相當以其一賓長在上佐食之北一賓長在下佐食之南也

司士進一敦黍于上佐食又進一敦黍于

下佐食皆右之于席上

右之者東面在南西面在北

資黍于羊俎兩

端兩下是餽

資猶減也減置於羊俎兩端則一賓長在上佐食之北一賓長在下佐食之南今文

資作齋。兩下是餽者二賓長在二佐食之左於位為下故云兩下分減敦黍置羊俎兩端二賓於此取食也

司士乃辯舉養者皆祭黍祭舉

舉舉膚今文辯為偏。司士遍授養者各一膚

也疏云養者下尸不舉肺當舉膚

主人西面三拜養者養者奠舉于俎

皆答拜皆反取舉

三拜旅之示偏也言反者拜時或反其席在東面席者東面拜在西面席

者皆南面拜

司士進一鉶于上養又進一鉶于次養又進二

豆湑于兩下乃皆食食舉

湑肉汁也。疏云神坐止有。二鉶分進兩佐食兩下無鉶

故進湑也

卒食主人洗一爵升酌以授上養贊者洗三爵酌

主人受于戶內以授次養若是以辯皆不拜受爵主人

西面三拜養者養者奠爵皆答拜皆祭酒卒爵奠爵皆

拜主人答壹拜

不拜受爵者大夫餞者賤也答一拜略也古文壹為一也。○特牲嗣子與兄弟

餞故拜受爵

養者三人興出

出降實爵于篚反賓位

上養止主人受上

養爵酌以醋于戶內西面坐奠爵拜上養答拜坐祭酒

啐酒

主人自酢者上養獨止當尸位尊不酌也。○疏云上餞將嘏主人故在尸位不可親酌

上養

親嘏曰主人受祭之福胡壽保建家室

親嘏不使祝授之亦以黍。○亦

搏黍以授主人而致辭也

主人興坐奠爵拜執爵以興坐卒爵拜上

養答拜上養興出主人送乃退

送佐食不拜賤。○退謂主人退

右餞

儀禮鄭註句讀卷十六

欽定四庫全書

儀禮鄭註句讀卷十七

濟陽張爾岐撰

有司徹第十七

鄭目錄云少牢之下篇也上大夫既祭饋尸於堂之禮若下大夫祭畢禮

尸於室中無別行饋尸於堂之事天子諸侯之祭明日而繹有司徹於五禮屬吉大戴第九小戴第十二別錄少牢下篇第十七○疏曰言大夫既祭饋尸於堂之禮者謂上大夫室中事尸行三獻禮畢別行饋尸於堂之禮又云祭畢禮尸於室中者據下大夫室內事尸行三獻無別行饋尸於堂之事即於室內為加爵禮尸即下文云若不饋尸以下是也

有司徹

徹室中之饋及祝佐食之俎卿大夫既祭而饋尸禮崇也饋尸則不設饌西北隅以此薦俎之

陳有祭象而亦足以厭飫神天子諸侯明日祭於祊而釋春秋傳曰辛巳有事于大廟仲遂卒于垂壬午猶釋

是也爾雅曰釋又祭也○疏曰自此盡如初論徹室內之饋并更整設及溫尸俎之事○有司謂司馬司士宰

夫之屬徹徹去祭時之饌不饋尸者尸出之後設饌於西北隅以厭飫神謂之陽厭此既饋尸有祭象故不設

饌西北隅為陽厭也此饋尸與祭同日天子諸侯則明日為之名曰釋釋之禮設祭於廟門外之西室謂之祊

而事尸於堂則為釋故註曰天子諸侯明日祭于祊而釋祊釋同時而大名曰釋又正祭時亦有祊祭但正祭

之祊在廟門內明日又祭之祊於埽堂為饋尸新之少廟門外○徹直列反祊百庚反埽堂儀曰汎埽曰埽

○埽席前曰拊司宮攝酒更洗益整頓之今文攝為聶○拊方問反司宮攝酒疏云洗益當作撓益謂撓擾漆

蓋乃𦵏尸俎𦵏溫也溫尸俎於爨所亦溫焉獨言溫尸俎則祝與佐食不與儋尸之禮古文𦵏皆

作尋記或作煇春秋傳曰若可煇也亦可寒也○春秋傳哀十二年子貢對吳大宰嚭語鄭引之証𦵏尸俎是

重溫之義今左傳本煇作尋○𦵏音尋卒𦵏乃升羊豕魚三鼎無腊與膚

乃設局鼎陳鼎于門外如初腊為庶羞膚從豕去其鼎者儋尸之禮殺於初如初

者如廟門之外東方北面北
上今文局為鉉古文鼎為密

右將儋尸整設

乃議侑于賓以異姓議猶擇也擇賓之賢者可以侑尸必用異姓廣敬也是時主人及賓

有司已復內位古文侑皆作宥○疏曰自此盡侑答拜論選侑并迎尸及侑之事
宗人戒侑戒猶

告也南面告於其位戒曰請子為侑○疏曰知南面告於其位者以賓位在門東北面請以為侑明面鄉其位可知侑出俟于廟門之外俟待也待於外當與尸更入主人興禮事尸極敬心也

右選侑以輔尸

司宮筵于戶西南面為尸席也又筵于西序東面為侑席也尸與

侑北面于廟門之外西上言與殊尊卑北面者賓尸而尸益卑西上統於賓客主

人出迎尸宗人擯賓客尸而迎之主人益尊擯贊主人拜尸答拜主人

又拜侑侑答拜主人揖先入門右道尸尸入門左侑從亦

左揖乃讓沒雷相揖至階又讓主人先升自阼階尸侑升自西階

西楹西北面東上

東上統於其席○疏云賓席以東為上故也

主人東楹東

北面拜至尸答拜主人又拜侑侑答拜

拜至喜之

右迎尸及侑

乃舉

舉舉鼎也舉者不盥殺也○自此盡西枋論門外舉鼎也俎入陳之事

司馬舉羊鼎

司士舉豕鼎舉魚鼎以入陳鼎如初

如初如初如阼階下西面北上○疏云如

初者如上經正祭時陳鼎之事也

雍正執一匕以從雍府執二匕以從

司士合執二俎以從司士贊者亦合執二俎以從匕皆

加于鼎東枋二俎設于羊鼎西西縮二俎皆設于二鼎

西亦西縮

雍正羣吏掌辨體名肉物者府其屬凡三匕鼎一匕四俎為尸侑主人主婦其二俎設于

豕鼎魚鼎之西陳之宜具也古文縮皆為感

雍人合執二俎陳于羊俎西竝

皆西縮覆二疏匕于其上皆縮俎西枋

竝并也其南俎司馬以羞羊匕

渚羊肉渚其北俎司士以羞豕匕渚豕肉渚豕胾渚魚疏匕匕柄有刻飾者古文竝皆作併○此二俎以為益送之用匕渚無肉直汁注于疏匕故為匕渚肉渚則肉之從渚中出者實無汁也

右陳鼎階下設俎俟載

主人降受宰几尸侑降主人辭尸對

几所以坐安體周禮大宰掌贊玉几

玉爵○自此盡主人及尸侑皆升就筵言主人初獻之儀獻尸獻侑受酢凡三大節此獻尸一節內授几獻爵

主婦薦豆籩司馬載羊俎賓長設羊俎次賓進匕涪司馬羞肉涪次賓羞燔又自有八細節主人拜送爵而主婦薦賓長設正俎而尸祭薦司馬挹匕涪而尸祭俎次賓授匕涪而尸啐酒告旨司馬羞肉涪而尸齍肺次賓羞燔而尸卒爵此其相承相應之次有不容稍紊者若司馬載羊俎之下竝列十一俎則欲以類從著諸俎之差等耳不宰授几主人受二手橫執几揖尸

獨揖尸几禮主於尸

主人升尸侑升復位

位作階賓階上位。即上文東楹東西楹西之位也

主人西

面左手執几縮之以右袂推拂几三二手橫執几進授

尸于筵前

衣袖謂之袂推拂去塵示新

尸進二手受于手間

受從手間謙也

主人退尸還几縮之右手執外廉北面奠于筵上左之

南縮不坐

左之者異於鬼神生人陽長左鬼神陰長右不坐奠之者几輕

主人東楹東

北面拜

拜送几也

尸復位尸與侑皆北面答拜

侑拜者從於尸○立侑本

以輔尸故從尸拜也○以上授尸几

主人降洗尸侑降尸辭洗主人對卒洗揖主人升尸侑

升尸西楹西北面拜洗主人東楹東北面奠爵答拜降

盥尸侑降主人辭尸對卒盥主人揖升尸侑升主人坐

取爵酌獻尸尸北面拜受爵主人東楹東北面拜送爵

降盥者為土汚手不可酌○以上獻爵

主婦自東房薦韭菹醢坐奠于筵前菹在西方婦贊者執昌菹醢以授主婦主婦不興受陪設于南昌在東方興取籩于房醴簋坐設于豆西當外列醴在東方婦贊者執白黑以授主婦主婦不興受設于初籩之南白在

西方興退

昌昌本也韭菹醢醢昌本麋鷄醢麥也簋

祭泉實也白熬稻黑熬黍此皆朝事之豆籩大夫無朝事而用之儋尸亦豐大夫之禮主婦取籩興者以饌異親之當外列辟鉶也退退入房也○疏云正祭先薦後獻若繹祭則先獻後薦此儋尸禮與天子諸侯繹祭同故亦先獻後薦也天子諸侯之祭坐尸於堂北面而事之謂之朝事特牲少牢正祭無朝事於堂直有室中之事儋尸用韭菹等皆朝事所用是謂豐大夫

之禮然八簋八豆之中各取其四耳
○以上主婦薦豆簋○禮方中反

乃升

升牲體於俎也

司馬牝羊亦司馬載載右體肩臂肫骼臠

正脊一脰脊一橫脊一短脅一正脅一代脅一腸一胃

一祭肺一載于一俎

言羖尸俎復序體者明所舉肩骼存焉亦著脊脅皆一骨也臠在下

者折分之以為肉湑俎也一俎謂司士所設羊鼎西第一俎○此尸正俎載已即當設之豆南者

羊肉

湑臠折正脊一正脅一腸一胃一臠肺一載于南俎

湑肉

肉在汁中者以增俎實為尸加也必為臠折上所折分者臠肺離肺也南俎雍人所設在南者此以下十一俎俟時而載於此盛說之爾今文湑為汁○疏曰十一俎者即尸之羊肉湑一也豕脊俎二也脩之羊俎三也豕

俎四也主人羊俎五也羊肉湑俎六也豕脊七也主婦
羊俎八也尸侑主人三者皆有魚俎是其十一通尸羊
正俎為十二俎其四俎尸侑主人主婦載羊體俎皆為
正俎其餘八俎雍人所執二俎益送往還故有八其實
止二俎也司士杞豕亦司士載亦右體肩臂肫骼臠正脊一

脰脊一橫脊一短脅一正脅一代脅一膚五臠肺一載

于一俎

臠在下者順羊也俎謂雍人所設在北者○此與上羊肉湑並事尸加俎用雍人所設二俎傳

送之者

侑俎羊左肩左肫正脊一脅一腸一胃一切肺一

載于一俎侑俎豕左肩折正脊一脅一膚三切肺一載

于一俎

侑俎用左體侑賤其羊俎過三體有肫尊之加也豕左肩折折分為長兄弟俎也切肺亦祭肺

互言之爾無羊渚下尸也豕又祭肺不臍肺不備禮組
司士所設羊鼎西之北組也豕組與尸同○羊左肩一
組是侑正組豕組則加組註云豕組
與尸同謂亦用雍人所設組加之也
胾組羊肺一祭肺

一載于一組羊肉渚臂一脊一膾一腸一胃一臍肺一

載于一組豕脊臂一脊一膾一膚三臍肺一載于一組

胾組主人組無體遠下尸也以肺代之肺尊也加羊肉
渚而有體崇尸惠亦尊主人臂左臂也侑用肩主人用
臂下之也不言左臂者大夫尊空其文也降於侑羊體
一而增豕膚三有所屈有所申亦所謂順而撫也胾組
司士所設豕鼎西組也其渚組與尸組同豕組又與尸
豕組同○羊肺一組主人正組其下二組皆加組亦皆
用雍人所設組益送
主婦組羊左臍脊一膾一腸一胃
之故註云與尸組同

一膚一臠羊肺一載于一俎

無豕體而有膚以主人無羊體不敢備也無祭肺有

臠肺亦下脩也祭肺尊言臠羊肺者文承膚下嫌也膚在羊肺上則羊豕之體名同相亞也其俎司士所設在

魚鼎西者○主婦有正俎無加俎

司士牝魚亦司士載尸俎五魚橫載

之脩主人皆一魚亦橫載之皆加膾祭于其上

橫載之者異於

牲體彌變於神膾讀如殷嘒之嘒剝魚時割其腹以為大脩也可用祭也其俎又與尸豕俎同○正祭升魚縮載於俎為縮於尸為橫右首進腴若食生人亦縮載右首但進鱠脊向人為異今儻尸升魚乃橫載於人為縮是不與正祭同又與生人異也魚三俎皆用尸豕俎益送之亦若脩主人之豕胥故註云其俎又與尸豕俎同○以上言司馬載尸正俎遂歷數十一俎體物皆俟事至乃載非此時遽已載也○膾火吳反剝空吳反

卒升

卒已也已載尸羊俎

賓長設羊俎于豆南賓降尸升筵自西

方坐左執爵右取韭菹換于三豆祭于豆間尸取饘蕡

宰夫贊者取白黑以授尸尸受兼祭于豆間

賓長上賓以上賓

長設

羊俎

雍人授次賓疏匕與俎受于鼎西左手執俎左廉縮之

卻右手執匕枋縮于俎上以東面受于羊鼎之西司馬

在羊鼎之東二手執挑匕枋以挹湑注于疏匕若是者

三

挑謂之軟讀如或春或枕之枕字或作挑者秦人語也此二匕者皆有淺升狀如飯揅挑長枋可以持物

於器中者注猶瀉也。今文挑作枕。挹皆為扱。○糝匕肖反。扞食汝反。尸興左執爵右取肺。

坐祭之祭酒興左執爵。

肺羊祭肺。○尸興承上文尸坐祭豆籩之節。

次賓縮。

執匕俎以升。若是以授尸。尸卻手受匕枋坐祭。臠之興。

覆手以授賓。賓亦覆手以受。縮匕于俎上以降。

臠。酒者明。酒肉加耳。

嘗之以其汁尚味。○將進酒肉先進其酒。嘗之酒在鼎已調。故云尚味。若太羹則不在鼎不調也。以降者以此

匕俎而降。○覆芳伏反。

尸席末坐。啐酒興坐奠爵拜告。旨執爵以

興。主人北面于東楹東答拜。

旨美也。拜告酒美答主人意。古文曰東楹之東。○以

上次賓授匕酒。

司馬羞羊肉湑縮執俎尸坐奠爵興取肺坐絕祭齊之

興反加于俎司馬縮奠俎于羊湑俎南乃載于羊俎卒

載縮執俎以降

絕祭絕肺末以祭周禮曰絕祭湑使次賓肉使司馬大夫禮多崇敬也○司馬

縮執縮奠之俎羊肉湑俎也即雍人所設蓋送之南俎也載于羊俎者載此羊肉湑於尸之正俎也經文司馬縮奠俎于羊湑俎南疑誤觀下受酢羞肉湑節當是縮奠湑俎于羊俎南○以上司馬羞肉湑

尸坐執爵以興次賓羞羊燔縮執俎縮一燔于俎上鹽

在右尸左執爵受燔換于鹽坐振祭齊之興加于羊俎

賓縮執俎以降

燔

尸降筵北面于西楹西坐卒爵執爵

以興坐奠爵拜執爵以興主人北面于東楹東答拜主

人受爵尸升筵立于筵末

以上次賓羞燔

右主人獻尸從獻者凡五豆籩正羊俎匕湆羊肉湆

羊燔也

主人酌獻侑侑西楹西北面拜受爵主人在其右北面

答拜

不洗者俱獻間無事也主人就右者賤不專階。此下主人獻侑節獻爵薦豆籩設羊俎設羊燔有

四細節疏云凡爵行爵從尊者來向卑者俱獻間無事則不洗爵從卑者來向尊雖獻間無事亦洗賤不專階對主人不就尸階者尸尊得專階也。○獻侑爵

主婦薦韭菹醢坐奠于筵前醢在南方婦贊者執二籩
醢贊以授主婦主婦不興受之奠醢于醢南贊在醢東

主婦入于房

醢在南方者立侑為尸使
正饌統焉○薦侑豆籩

侑升筵自北方司馬橫執羊俎以升設于豆東侑坐左

執爵右取菹揅于醢祭于豆間又取醢贊同祭于豆祭

興左執爵右取肺坐祭之祭酒興左執爵

○設侑
羊俎

次賓羞羊燔如尸禮侑降筵自北方北面于西楹西坐

卒爵執爵以興坐奠爵拜主人答拜

答拜拜於侑之
右○設侑羊燔

右主人獻侑從獻之儀降於尸者二年匕涪與肉涪也

尸受侑爵降洗侑降立于西階西東面主人降自阼階辭洗尸坐奠爵于筐興對卒洗主人升尸升自西階主人拜洗尸北面于西楹西坐奠爵答拜降盥主人降尸

辭主人對卒盥主人升尸升坐取爵酌

酌者將酢主人此下尸酢主人

人節主入受爵主婦薦豆籩長賓設俎次賓羞匕涪司馬羞肉涪次賓羞燔主人拜崇酒凡七細節特牲少牢主人獻尸尸即酢主人主人乃獻祝及佐食此尸待主人獻侑乃酢主人不同者此尸卑達主人之意欲得先

進酒於侑彼尸尊欲自達已意故先酢主人也司宮設席于東序西面主人東

楹東北面拜受爵尸西楹西北面答拜

主人受酢爵

主婦薦韭菹醯坐奠于筵前菹在北方婦贊者執二籩

自北方主婦入于房

設籩于菹西北亦辟鉶○疏云特牲少牢皆致爵乃設席此受酢即

設席以其饋尸尸益卑主人益尊故也○主婦薦主人豆籩

長賓設羊俎于豆西主人坐左執爵祭豆籩如侑之祭

興左執爵右取肺坐祭之祭酒興

○設主人羊俎

次賓羞匕湑如尸禮席末坐啐酒執爵以興

○羞主人匕湑

司馬羞羊肉湑縮執俎主人坐奠爵于左興受肺坐絕祭濟之興反加于湑俎司馬縮奠湑俎于羊俎西乃載

之卒載縮執虛俎以降

奠爵于左者神惠變於常也言受肺者明有授言虛俎者羊湑

俎記於此虛不復用○羞主人肉湑

主人坐取爵以興次賓羞燔主人受如尸禮

○羞主人燔

主人降筵自北方北面于阼階上坐卒爵執爵以興坐奠爵拜執爵以興尸西楹西答拜主人坐奠爵于東序

南不降奠爵於篚急崇酒

侑升尸侑皆北面于西楹西

見主人不反位知將

與已為禮

主人北面于東楹東再拜崇酒

崇充也拜謝尸侑以酒薄充滿

尸

侑皆答再拜主人及尸侑皆升就筵

○拜崇酒

右主人受尸酢薦設亦有五事尊主人故與尸同也

主人初獻禮竟

司宮取爵于篚以授婦贊者于房東以授主婦

房東房戶外之

東○自此至尸主人及侑皆就筵凡四節皆主婦亞獻之事獻尸一也獻侑二也致爵於主人三也受尸酢四

也主婦洗爵于房中出實爵尊南西面拜獻尸尸拜于

筵上受

尊南西面拜由便也。○疏曰賓主獻酢無在筵上受法。今尸於筵上受者以婦人所獻故尸不

與行賓主之禮故不得各就其階

主婦西面于主人之席北拜送爵入

于房取一羊鉶坐奠于韭菹西主婦贊者執豕鉶以從

主婦不興受設于羊鉶之西興入于房取糗與脩脩執

以出坐設之糗在簣西脩在白西興立于主人席北西

面

飲酒而有鉶者祭之餘鉶無黍稷殺也糗糗餌也脩脩擣肉之脯今文脩為斷。○脩丁亂反

尸坐

左執爵祭糗脩同祭于豆祭以羊鉶之杞挹羊鉶遂以

挹豕鉶祭于豆祭祭酒次賓羞豕匕湑如羊匕湑之禮

尸坐啐酒左執爵嘗上鉶執爵以興坐奠爵拜主婦答拜執爵以興司士羞豕胥尸坐奠爵興受如羊肉湑之禮坐取爵興次賓羞豕燔尸左執爵受燔如羊燔之禮坐卒爵拜主婦答拜

右主婦獻尸從獻亦五主婦既獻爵設兩鉶又設糗脩次賓羞豕已湑司士羞豕胥次賓羞豕燔儀節與主人獻尸竝相當

受爵酌獻侑侑拜受爵主婦主人之北西面答拜

酌獻者主

婦今文無西面

主婦羞糗脩坐奠糗于醴南脩在簣南脩坐左

執爵取糗脩兼祭于豆祭司士縮執豕胥以升脩興取

肺坐祭之司士縮奠豕胥于羊俎之東載于羊俎卒乃

縮執俎以降脩興

豕胥無涪於脩禮殺

次賓羞豕燔脩受如尸禮坐

卒爵拜主婦答拜

右主婦獻脩其從獻同於尸者亦三主婦既獻爵羞

糗脩司士羞豕胥次賓羞豕燔降於尸者二無鉶羹

與豕匕涪

受爵酌以致于主人主人筵上拜受爵主婦北面于阼

階上答拜

主婦易位拜于阼階上辟併敬

主婦設二鉶與糗脩如尸禮

主人其祭糗脩祭鉶祭酒受豕匕涪拜啐酒皆如尸禮

嘗鉶不拜

主人如尸禮尊也其異者不告旨。疏云按前主婦獻尸尸啐酒嘗鉶拜彼拜雖在嘗鉶

下其拜仍為啐酒是以特牲少牢尸嘗鉶皆不拜或此經啐酒之上無拜文有者衍字也。愚按疏言謂經嘗鉶不拜正謂啐酒不拜耳啐酒上拜字衍又註云其異者不告旨其意亦然主婦獻尸尸啐酒拜亦告旨之意也

其受豕胥受豕燔亦如尸禮坐卒爵拜主婦北面答

拜受爵

右主婦致爵于主人從設並與尸同

尸降筵受主婦爵以降

將酢主婦

主人降侑降主婦入于房

主人立于洗東北西面侑東面于西階西南

俟尸洗

尸易

爵于篚盥洗爵

易爵者男女不相襲爵

主人揖尸侑

將升

主人升尸

升自西階侑從主人北面立于東楹東侑西楹西北面

立

俟尸酌

尸酌主婦出于房西面拜受爵尸北面于侑東

答拜主婦入于房司宮設席于房中南面主婦立于席

西

設席者主婦尊今文曰南面尸于席西

婦贊者薦韭菹醢坐奠于筵前

菹在西方婦人贊者執醴簋以授婦贊者婦贊者不興

受設醴于菹西簋在醴南

婦人贊者宗婦之少者

主婦升筵司馬

設羊俎于豆南主婦坐左執爵右取菹揆于醢祭于豆

間又取醴簋兼祭于豆祭主婦奠爵興取肺坐絕祭齊

之興加于俎坐稅手祭酒啐酒

稅手者于悅悅佩巾內則曰婦人亦左佩紛稅

古文稅作說稅由銳反

次賓羞羊燔主婦興受燔如主人之禮主

婦執爵以出于房西面于主人席北立卒爵執爵拜尸

西楹西北面答拜主婦入立于房尸主人及侑皆就筵

出房立卒爵宜鄉尊不坐者變於主人也執爵拜變於男子也○鄉尊謂對尸而卒爵

右主婦受尸酢從獻亦三與侑同等主婦亞獻禮竟

上賓洗爵以升酌獻尸尸拜受爵賓西楹西北面拜送

爵尸奠爵于薦左賓降

上賓賓長也謂之上賓以將獻異之或謂之長賓奠爵爵止也

右上賓三獻尸尸奠爵不舉欲神惠均于庭待徧得

獻乃舉之

主人降洗爵尸侑降主人奠爵于篚辭尸對卒洗揖尸

升侑不升

侑不升尸禮益殺不從

主人實爵酬尸東楹東北面坐

奠爵拜尸西楹西北面答拜坐祭遂飲卒爵拜尸答拜
降洗尸降辭主人奠爵于篚對卒洗主人升尸升主人
實爵尸拜受爵主人反位答拜尸北面坐奠爵于薦左

降洗者

主人

右主人酬尸○特牲及下不償尸皆無酬尸之事此
特有之奠而不舉

尸侑主人皆升筵乃羞宰夫羞房中之羞于尸侑主人
主婦皆右之司士羞庶羞于尸侑主人主婦皆左之

羞二

所以盡歡心房中之羞其籩則糗餌粉餐其豆則醢食
糝食庶羞羊臠豕臠皆有哉醢房中之羞內羞也內羞
在右陰也庶羞在左陽也○內羞是穀物穀本
地產故為陰庶羞是牲物牲本天產故為陽

右羞于尸侑主人主婦

主人降南面拜衆賓于門東三拜衆賓門東北面皆答

壹拜

拜于門東明少南就之也言三拜者衆賓賤旅之
也衆賓一拜賤也卿大夫尊賓賤純臣也位在門

東今文壹為一○衆賓自長賓而下也自此至主人就
筵皆主人酌獻外庭內庭之事所謂均神惠也凡七節
獻長賓一也獻衆賓二也主人自酢于長賓三也酬
長賓四也獻兄弟五也獻內賓六也獻私人七也

主

人洗爵長賓辭主人奠爵于篚興對卒洗升酌獻賓于

西階上長賓升拜受爵主人在其右北面答拜宰夫自

東房薦脯醢醢在西司士設俎于豆北羊胾一腸一胃

一切肺一膚一

羊胾羊左胾上賓一體賤也薦與設俎者既則俟于西序端古文胾為胾

賓

坐左執爵右取脯換于醢祭之執爵興取肺坐祭之祭

酒遂飲卒爵執爵以興坐奠爵拜執爵以興主人答拜

受爵賓坐取祭以降西面坐委于西階西南

成祭於上尊賓也取

祭以降反下位也反下位而在西階西南已獻尊之祭脯肺

宰夫執薦以從設于祭東

司士執俎以從設于薦東

右主人獻長賓

衆賓長升拜受爵主人答拜坐祭立飲卒爵不拜既爵

既盡也長賓升者以次第升受
獻言衆賓長拜則其餘不拜宰夫贊主人酌若是以

辯主人每獻一人奠空爵于於宰夫酌
授於尊南今文若為如辯皆作徧辯受爵其薦脯

醢與胾設于其位其位繼上賓而南皆東面其胾體儀

也徧獻乃薦畧之亦宰夫薦司士胾儀者尊體盡儀度
餘胾可用而用之尊者用尊體卑者用卑體而已亦

有切肺膚今文儀
皆為臠或為議

右辯獻衆賓

乃升長賓主人酌酢于長賓西階上北面賓在左

主人酌自

酢序賓意賓卑不敢酢

主人坐奠爵拜執爵以興賓答拜坐祭遂

飲卒爵執爵以興坐奠爵拜賓答拜賓降

降反位

右主人自酢于長賓

宰夫洗觶以升主人受酌降酬長賓于西階南北面賓

在左主人坐奠爵拜賓答拜坐祭遂飲卒爵拜賓答拜

宰夫授主人觶則受其虛爵奠于篚○註受其虛爵指上文酢爵也

主人洗賓辭主人坐

奠爵于篚對卒洗升酌降復位賓拜受爵主人拜送爵

賓西面坐奠爵于薦左

○按此爵至旅酬後與兄弟之長交酬為無算爵

右主人酬賓

主人洗升酌獻兄弟于阼階上兄弟之長升拜受爵主

人在其右答拜坐祭立飲不拜既爵皆若是以辯

兄弟長幼

立飲賤不別大夫之賓尊於兄弟宰夫不贊酌者兄弟以親昵來不以官待之

辯受爵其位在

洗東西面北上升受爵其薦胥設于其位

亦辯獻乃薦既云辯矣復

言升受爵者為衆兄弟言也衆兄弟升不拜受爵先著其位於上乃後云薦胥設于其位明位初在是也位不繼於主人而云洗東卑不統於尊此薦胥皆使私人○疏云先著其位於上乃云升受爵者謂發此位升堂受

爵又云薦胥設於其位者謂受爵時設薦胥於洗東西面位

其先生之胥折脅一膚

一先生長兄弟折豕左肩之折

其衆儀也

右主人獻兄弟

主人洗獻內賓于房中南面拜受爵主人南面于其右

答拜

內賓姑姊妹及宗婦獻于主婦之席東主人不西面尊不與為賓主禮也南面于其右主人之位恒

左人坐祭立飲不拜既爵若是以辯亦有薦胥

亦設薦胥於其位特

牲饋食禮記曰內賓立于房中西墉下東而南上宗婦北堂東面北上

右主人獻內賓

主人降洗升獻私人于阼階上拜于下升受主人答其
長拜乃降坐祭立飲不拜既爵若是以辯宰夫贊主人
酌主人於其羣私人不答拜其位繼兄弟之南亦北上
亦有薦胥私人家臣已所自謁除也大夫言私人明不
純臣也士言私臣明有君之道北上不敢專
其位亦有薦胥初亦北面在衆賓之後
爾言繼者以爵既獻為文凡獻位定主人就筵古文
曰升
筵就

右主人獻私人均神惠編

尸作三獻之爵

上賓所獻爵不言三獻作之者賓尸而
尸益卑可以自舉○自此盡降實于篚

尸舉所奠上賓之爵以成三獻之禮以上賓舉三獻因號上賓為三獻是以事名官此一禮內凡有四節尸作爵一也獻侑二也致爵于主人三也受尸酢四也司士羞涪魚縮執俎以升尸

取膾祭祭之祭酒卒爵

不羞魚匕涪略小味也羊有正俎羞匕涪肉涪豕無正俎魚無

匕涪隆汚之穀

司士縮奠俎于羊俎南橫載于羊俎卒乃縮執

俎以降尸奠爵拜三獻北面答拜受爵

○尸作賓爵

酌獻侑侑拜受三獻北面答拜司馬羞涪魚一如尸禮

卒爵拜三獻答拜受爵

司馬羞涪魚變於尸○賓獻侑

酌致主人主人拜受爵三獻東楹東北面答拜

賓拜於東楹東

以主人拜受於席就之

司士羞一渚魚如尸禮卒爵拜三獻答拜

受爵

賓致爵主人

尸降筵受三獻爵酌以酢之

既致主人尸乃酢之遂賓

意

三獻西楹西北面拜受爵尸在其右以授之尸升筵

南面答拜坐祭遂飲卒爵拜尸答拜執爵以降實于篚

○賓

受酢

右上賓三獻禮成

二人洗觥升實爵西楹西北面東上坐奠爵拜執爵以興尸侑答拜坐祭遂飲卒爵執爵以興坐奠爵拜尸侑

答拜皆降

三獻而禮小成使二人舉爵序殷勤於尸侑。自此以下言旅酬及無算爵二人舉觶為

旅酬兄弟後生舉觶于長賓長加獻尸次賓舉爵又旅酬兄弟舉止爵賓舉奠觶交錯為無算爵又凡五節而

饋尸之禮畢矣洗升酌反位尸侑皆拜受爵舉觶者皆拜送侑

奠觶于右

奠于右者不舉也神惠右不舉變於飲酒。雖二爵並舉止用尸一爵酬於下

尸遂

執觶以興北面于阼階上酬主人主人在右

尸拜於阼階上酬禮

殺坐奠爵拜主人答拜不祭立飲卒爵不拜既爵酌就

于阼階上酬主人

言就者主人立待之

主人拜受爵尸拜送

酬不奠者

急酬侑也尸就筵主人以酬侑于西楹西侑在左坐奠爵拜

執爵興侑答拜不祭立飲卒爵不拜既爵酌復位侑拜

受主人拜送

言酌復位明授於西階上

主人復筵乃升長賓侑酬之

如主人之禮

遂旅也言升長賓則有贊呼之

至于衆賓遂及兄弟亦如

之皆飲于上

上西階

遂及私人拜受者升受下飲

私人之長拜於

下升受兄弟之爵下飲之

卒爵升酌以之其位相酬辯

其位兄弟南位亦拜受拜

送升酌由西階

○私人位在兄弟之南其長飲於西階下餘私人皆飲於其位

卒飲者實爵于

篚末受酬者雖無所旅猶飲

乃羞庶羞于賓兄弟內賓及私人

無房中之

羞賤也此羞同時羞則酌房中亦旅其始主婦舉觶於內賓遂及宗婦

右二人舉觶為旅酬

兄弟之後生者舉觶于其長

後生年少也古文觶皆為爵延熹中詔校書定作觥

洗升酌降北面立于阼階南長在左坐奠爵拜執爵以

興長答拜

長在左辟主人

坐祭遂飲卒爵執爵以興坐奠爵拜

執爵以興長答拜洗升酌降長拜受于其位舉爵者東

面答拜爵止

拜受答拜不北面者儗尸禮殺長賓言奠兄弟言止互相發明相待也○前主人酬

賓賓奠爵薦左此後生舉觥長亦暫止不舉待後面旅酬畢乃與賓所奠之爵交錯為無算爵故註曰相待

右兄弟後生舉觥

賓長獻于尸如初無涪爵不止

賓長者賓之長次上賓者非即上賓也如初如

其獻侑酌致主人受尸酢也無涪爵不止別不如初者不使兄弟不稱加爵大夫尊也不用觚大夫尊者也○衆賓之長獻尸其儀節與上賓獻尸同但無魚涪與既獻即飲二者為異耳前上賓獻尸待獻堂下畢乃舉觶是其止爵也註不使兄弟三句言其與特牲禮異特牲云長兄弟洗觶為加爵

右賓長加獻于尸

賓一人舉爵于尸如初亦遂之于下

一人次賓長者如初如二人洗觶之

為也遂之于下者遂及賓兄弟下至於私人故言亦遂之于下也上言無涪爵不止互相發明○之適也往也謂行此爵于堂下為旅酬也

右次賓舉爵于尸更為旅酬

賓及兄弟交錯其酬皆遂及私人爵無算

算數也長賓取觶酬兄弟

之黨長兄弟取觶酬賓之黨唯已所欲無有次第之數也○長賓所取者主人酬賓賓奠薦左之觶長兄弟所取者後生所舉之觶也

右二觶交錯為無算爵

尸出侑從主人送于廟門之外拜尸不顧

拜送之

拜侑與

長賓亦如之衆賓從

從者不拜送也

司士歸尸侑之俎

尸侑尊送其家

主人退

反於寢也

有司徹

徹堂上下之薦俎也外賓尸雖堂上婦人不徹

右饋尸禮畢

若不賓尸

不賓尸謂下大夫也其牲物則同不得備其禮耳舊說云謂大夫有疾病攝昆弟祭曾子

問曰攝主不厭祭不旅不假不綏祭不配布奠于賓賓奠而不舉而此備有似失之矣○自此至終篇皆言下

大夫不賓尸之事○綏許恚反

則祝侑亦如之

謂尸七飯時○下大夫之不賓尸者自祝侑以

前皆與上大夫賓尸者同此下乃陳其異者祝侑尸食少牢篇尸七飯告飽祝侑曰皇尸未實侑是也

尸食

八飯○祝既侑而尸又飯也

乃盛俎臠臂肫脰脊橫脊短脅代脅皆

牢盛者盛於所俎也此七體羊豕其脊脅皆取一骨也與所舉正脊幹髀凡十矣肩未舉既舉而俎猶有六

體焉○盛音成盛於所俎將以歸尸特牲尸食訖乃盛賓尸則不盛全以歸尸故也皆牢者謂此七體皆羊豕

而非腊也註俎猶有六體謂三脊三魚七盛半也魚十有五而俎其

脅各有一骨在俎不取以備陽厭也一已舉必盛半者魚無腊辯無髀亦盛半也所盛者右

足翼於牲象脊脅而已體也脊屬焉言無髀者云一純而俎嫌有之古文髀作髀卒盛乃舉牢肩尸受振祭饗之佐食

受加于肸舉七前此舉牢肺舉正脊舉牢幹舉魚舉腊

右不賓尸者尸八飯後事

佐食取一俎于堂下以入奠于羊俎東不言魚俎乃撫

于魚腊俎俎釋三个其餘皆取之實于一俎以出个猶

魚撫四枚腊撫五枚其所釋者腊則短脅正脅代脅魚三枚而已今文撫為搯○所釋三个亦備陽厭也

祝主人之魚腊取于是

祝主人主婦俎之魚腊取于此者大夫之禮文待神餘也三者

各取一魚其腊主人臂主婦牖祝則骼也與此皆於鼎側更載焉不言主婦未聞

尸不飯告飽

主人拜侑不言尸又三飯

凡十一飯士九飯大夫十一飯其餘有十三飯十五飯

佐食受牢舉如儗

舉肺脊○如儗者與少牢篇所載上大夫儗尸者儀節同也

右不賓尸者尸十一飯時事

主人洗酌醕尸賓羞肝皆如儗禮卒爵主人拜祝受尸

爵尸答拜祝酌授尸尸以醋主人亦如儗其綏祭其嘏

亦如儗

肝牢肝也綏皆當作接按讀為藏其隋之隋古文為換

其獻祝與二佐食

其位其薦胥皆如饋

右不饋尸者主人初獻與饋尸者正祭初獻同

主婦其洗獻于尸亦如饋

自尸脩不飯告飽至此與饋同者在上篇

主婦反

取籩于房中執棗糗坐設之棗在稷南糗在棗南婦贊

者執栗脯主婦不興受設之栗在糗東脯在棗東主婦

興反位

棗饋食之籩糗羞籩之實雜用之下賓尸也栗脯加籩之實也反位反主人之北拜送爵位

尸左執爵取棗糗祝取栗脯以授尸尸兼祭于豆祭祭

酒啐酒次賓羞牢燔用俎鹽在右尸兼取燔換于鹽振

祭饗之祝受加于所卒爵主婦拜祝受尸爵尸答拜自

婦反籩至祝受加于所此異於饋○賓尸者方其正祭主婦獻尸於室無籩燔從之事此有籩有燔為異以不

賓尸故加厚耳祝易爵洗酌授尸尸以醋主婦主婦主人之北

拜受爵尸答拜主婦反位又拜上佐食綏祭如饋卒爵

拜尸答拜

主婦俠爵拜為不賓尸降崇敬今文醋曰酢○饋尸者正祭主婦受酢不俠拜爵此俠拜

為主婦獻祝其酌如饋拜坐受爵主婦主人之北答拜

自尸卒爵至此亦與饋同者亦在上篇○謂同上篇正祭亞獻之節宰夫薦棗糗坐設棗

于道西糗在棗南祝左執爵取棗糗祭于豆祭祭酒啐

酒次賓羞燔如尸禮卒爵

內子不薦籩祝賤使官可也
自宰夫薦至賓羞燔亦異于

饋○自此下註異於
賓賓皆當讀作饋

主婦受爵酌獻二佐食亦如饋主

婦受爵以入于房

右不賓尸主婦亞獻

賓長洗爵獻于尸尸拜受賓尸西北面答拜爵止

尸止
爵者

以三獻禮成欲神惠之均於室中是以奠而待之○賓
尸者正祭賓三獻尸即卒爵酢賓並不止爵至事尸於
堂賓三獻尸乃止爵待神惠均於庭乃作三獻之爵此
不賓尸者亦三獻止爵待神惠均于室蓋略倣其儀也
此一節之內賓獻尸爵既止主婦致爵于主人主婦自
酢尸作止爵尸酢賓賓獻祝及佐食賓致爵主人致爵

主婦賓自酢乃設羞亦十小節而禮成○賓獻尸止爵

主婦洗于房中酌致于主人主人拜受主婦尸西北面

拜送爵司宮設席

拜受乃設席變於士也○特牲禮未致爵已設席

主婦薦韭

菹醢坐設于席前菹在北方婦贊者執棗糗以從主婦

不興受設棗于菹北糗在棗西佐食設俎臂脊脅肺皆

牢膚三魚一腊臂

臂左臂也特牲五體此三者以其牢與腊臂而七牢腊俱臂亦所謂腊如

牲體○牢謂羊豕也腊如牲體特牲記文

主人左執爵右取菹揔于醢祭于

豆間遂祭籩奠爵興取牢肺坐絕祭臠之興加于俎坐

祝手祭酒執爵以興坐卒爵拜

無從者變於士也亦所謂順而撫也○特牲主

婦致爵主人肝燔並從

主婦答拜

○主婦致爵于主人

受爵酌以醋戶內北面拜

自酢不更爵殺

主人答拜卒爵拜主

人答拜主婦以爵入于房

○主婦自酢

尸作止爵祭酒卒爵賓拜祝受爵尸答拜

作止爵乃祭酒亦變於士

自爵止至作止爵亦異於賓○士禮祭酒訖乃止爵○尸作止爵

祝酌授尸賓拜受爵尸拜送坐祭遂飲卒爵拜尸答拜

○尸酢賓

獻祝及二佐食

○賓獻祝與佐食

洗致爵于主人

洗致爵者以承佐食賤新之

主人席上拜受爵賓北

面答拜坐祭遂飲卒爵拜賓答拜受爵

○賓致爵主人

酌致爵于主婦主婦北堂司宮設席東面

北堂中房以北東面者變

於士妻賓尸不變者賓尸禮異矣內子東面則宗婦南面西上內賓自若東面南上○士禮宗婦北堂東面北

上主婦南面

主婦席北東面拜受爵賓西面答拜

席北東面者北為下

婦贊者薦韭菹醢醢在南方婦人贊者執棗糗授婦贊

者婦贊者不興受設棗于菹南糗在棗東

婦人贊者宗婦之弟婦也

佐食設俎于豆東羊臠豕折羊脊脅祭肺一膚一魚一

腊臠

豕折豕折骨也不言所折略之特性主婦殷折豕無脊脅下主人羊豕四體與腊臠而五

主婦

升筵坐左執爵右取菹換于醢祭之祭籩奠爵興取肺

坐絕祭臠之興加于俎坐抗手祭酒執爵興筵北東面

立卒爵拜

立飲拜既爵者變於大夫

賓答拜賓受爵

○賓致爵主婦

易爵于篚洗酌醕于主人戶西北面拜主人答拜卒爵

拜主人答拜賓以爵降奠于篚

自賓獻及二佐食至此亦異於賓○賓自酢

乃羞宰夫羞房中之羞司士羞庶羞于尸祝主人主婦

內羞在右庶羞在左

○設羞

右不賓尸者賓長三獻

主人降拜衆賓洗獻衆賓其薦胾其位其酬酢皆如儗

禮

○衆賓謂自上賓而下

主人洗獻兄弟與內賓與私人皆如儗禮其位其薦胾皆如儗禮

卒乃羞于賓兄弟內賓及私人辨

自乃羞至私人之薦胾此亦與儗同者在

此篇不儗尸則祝猶侑耳卒已也乃羞者羞庶羞

右不賓尸者三獻後主人徧獻堂下并內賓之事

賓長獻于尸尸醕獻祝致醕賓以爵降實于篚

致謂致爵于主

人主婦不言如初者爵不止又不及佐食

右不賓尸者次賓長為加爵

賓兄弟交錯其酬無算爵

此亦與儗同者在此篇○主獻賓時賓亦奠酬薦左主

人徑獻堂下及內賓後兄弟後生亦舉觶于長至此交錯為無算爵然闕旅酬直行無算爵是其與賓尸者異故經不言如儗也

右不賓尸無算爵

利洗爵獻于尸尸醋獻祝祝受祭酒啐酒奠之

利獻不及主人

殺也此亦異於饋

右不賓尸佐食為加爵

主人出立于阼階上西面祝出立于西階上東面祝告于主人曰利成祝入主人降立于阼階東西面尸設祝前尸從遂出于廟門祝反復位于室中祝命佐食徹尸俎佐食乃出尸俎于廟門外有司受歸之徹阼薦俎自人出至此與賓雜者也先養徹主人薦俎者變于士特牲饋食禮曰徹阼俎豆邊設于東序下○疏云與賓雜

謂與賓尸者有同有不同士禮既餽乃徹昨俎此餽前徹昨俎故云變於士引特牲者證徹昨俎所置之處

右不賓尸者禮終尸出

乃養如饋

謂上篇自司宮設對席至此餽興出也古文養作餽

右養

卒養有司官徹饋饌于室中西北隅南面如饋之設右

几匪用席

官徹饋者司馬司士舉俎宰夫取敦及豆此於尸設改饌當室之白孝子不知神之所在

庶其饗之於此所以為厭飲不令婦人改徹饌敦豆變於始也尚使官也佐食不舉羊豕俎親餽尊也匪隱也

古文右作

納一尊于室中

陽厭殺無玄酒

司宮埽祭

埽豆間之祭舊說云

理之西
階東

主人出立于阼階上西面祝執其俎以出立于

西階上東面司宮闔牖戶

閉牖與戶為鬼神或者欲幽闇

祝告利成乃

執俎以出于廟門外有司受歸之衆賓出主人拜送于

廟門外乃反

拜送賓也者亦拜送其長不言長賓者下大夫無尊賓也○疏云下大夫賤無尊賓

故不別婦人乃徹

徹祝之薦及房中薦俎不使有司者其長也

司徹室中之饌

有司饌之婦人徹之外內相兼禮殺

右不賓尸者為陽厭

儀禮鄭註句讀卷十七

儀禮監本正誤

附

十三經監本讀書者所考據當時較勘非一手疎密
各殊至儀禮一經脫誤特甚豈以罕習故忽不加意
耶易書詩春秋論語孟子禮記充滿天下固不容或
誤周禮孝經爾雅三傳人間猶多善本即有誤亦易
見儀禮既不顯用於世所賴以不至墜地者獨此本
尚在學宮耳顧不免脫誤至此坊間所刻如三禮解
詁之類皆踵襲其訛無所是正而補石經闕字者不

知以彼正此反以此本為據竊恐疑誤方來大為此
經累者未必非監本也予既僭定儀禮鄭註句讀乃
取石本吳澄本與監本較摘其脫者誤者羨者倒置
者經註互淆者錄之以質同志如左

士冠禮

士昏禮

婦說服于室御受受誤作授

第二十
七婦

母違命母誤作母

第五
十婦

視諸衿鞶下脫墀授綬姆辭曰未教不足與為禮也

十四字

第五十
一締

主人對曰某以得為外昏姻之數昏從女誤

第五十
三締

某得以為昏姻之故作某以得為昏姻之故

第五十
三締

士相見禮

若嘗為臣者嘗誤作常

第八
締

毋誤作母凡三見

第十三
十四締

鄉飲酒禮

尊兩壺于房戶之間加二勺于兩壺壺並誤作壺

第六

絀

司正升立于序端序誤作席

第三十
九絀

尊者降席席東南面脫一席字

第三十
九絀

介俎脊脅肫�肺脫肫字

第四十
八絀

鄉射禮

主人實觶賓之席前北面北誤作不

第十
一絀

樂正告于賓乃降樂字誤細書混疏文內

第十
八絀

適堂西改取一个挾之取誤作作

第三十締

以耦告于大夫脱以耦二字

第三十五締

與進者相左相揖退反位脱退字

第三十九締

適左个中皆如之皆如作亦如

第五十締

賓與大夫坐反奠于其所脱坐字

第六十一締

遂西取弓矢遂誤作送

第七十六締

各以其物獲下脱士鹿中翽旌以獲七字

第八十七締

燕禮

兩圜壺壺誤作壺

第四
緝

主人盥洗象觚升實之實誤作賓

第十
四緝

媵爵者洗象觚升實之實誤作賓

第十
九緝

降奠于篚易觶洗篚易二字之間誤用圜隔

第二十
十緝

射人乃升大夫大夫皆升就席脫下升字

第二十
七緝

鵲巢采繁采蘋繁誤作繁

第三十
二緝

大師告于樂正脫于字

第三十
三緝

士長升拜受觶主人拜送觶送誤作受

第三十
八緝

大夫立卒爵不拜實之實誤作賓

第四十
二締

亨于門外東方上脫其牲狗也四字

第四十
九締

大射儀

大射儀第七脫儀字

第一
締

兩方壺兩園壺兩壺獻酒三壺字并誤作壺

第十一
十二締

大史在千侯之東北大史誤作大夫

第十
四締

主人洗觚升實散觚誤作酬

第二十
四締

命去侯侯作俟

第三十
七締

司射進與司馬正交于階前于誤作與第三十
八締

上射降三等三誤作二第三十
九締

中等竝行上射於左於誤作與第三十
九締

司馬師坐乘之卒脫卒字第四
十締

司射東面于大夫之西比耦比誤作北第四十
一締

相之與相復二相字俱誤作相第四十三
四十五締

退者與進者相左相揖退揖退二字之間羨一還字

第四十

四締

司射作射如初射誤作揖

第四十
四絳

由阼階下北面告于公脫告字

第五十
一絳

司射遂袒執弓脫遂字

第五十
二絳

僕人師洗升實解以授實誤作賓

第五十
四絳

司馬師受虛爵奠于筐脫師字

第五十
九絳

公答拜賓反位脫賓字

第六十
九絳

聘禮

門外米禾皆二十車二誤作一

第二十
八絳

賓辟不答拜賓誤作客

第十
八
條

坐啐醴誤作啐酒

第四十
八
條

君貺寡君延及二三老拜又拜送誤以又拜送句倒

置君貺句之上

第一百
十八
條

公食大夫禮

衆人騰羞者盡階不升堂授以蓋降出註云授授先者

一人誤以一人二字大書同經文連下贊者句

第十
八
條

賓北面自閒坐左擁簾梁左誤作右簾誤作簾

第十
九
條

庶羞西東母過四列母誤作母第二十

卿擯由下擯誤作賓第三十

覲禮

侯氏裨冕裨誤從示第八

坐奠圭圭誤作圭第十

王受之玉玉缺一點第十三

伯父無事歸寧乃邦邦誤作拜第十

天子乘龍載大旂旂誤作旂第二十

喪服

妾為君為誤作謂

第二
十
絰

持重於大宗者降其小宗也持重誤作特重

第四
十
三
絰

適子不得後大宗子誤作人

第四
十
四
絰

異居則服齊衰三月也脫也字

第四
十
八
絰

大夫去君婦其宗廟婦誤作歸

第六
十
三
絰

不滿八歲以下皆為無服之殤脫皆字

第六
十
五
絰

小功布衰裳牡麻經即葛五月者脫者字

第八
十
五
絰

堦傳曰何以總也唐石經無也字

第九十
七絳

士喪禮

有大夫則特拜之即位于西階下于誤作如

第十
絳

櫛於簞於誤作用

第二十
一絳

巾待於阼階下待誤作侍

第四十
三絳

其實葵菹芋芋字誤少趯勾

第四十
七絳

卜人先奠龜于西塾上塾誤作塾

第六十
九絳

哀子某來日某卜葬其父某甫脫第二某字

第七十
二絳

既夕

衆主人東即位脫主字

第七
絀

兩杆誤缺杆字趯勾

第十
九絀

擯者出請入告脫出字

第二十
六絀

藏苞筭於旁苞誤從竹

第四十
二絀

外內皆婦作內外

第四十
六絀

設握裏親膚裏誤作裏

第五十
三絀

不說經帶說誤作設

第五十
九絀

主人降即位徹乃奠升降自西階脫下降字第六十

亦可張也唐石經吳氏本俱亦張可也第七十

三絀

士虞禮

簞巾在其東巾誤作布第五

絀

祝饗饗誤作饗第九

絀

卒徹祝佐食降復位脫復字第二十

絀

適爾皇祖某甫饗饗誤作饗第三十

一絀

尸即席坐唯主人不哭唯誤作帷第三十

四絀

尸受振祭受誤作授

第三十
四條

無尸則不餞猶出几席設如初拾踊三下脫哭止告

事畢賓出七字

第三十七條唐石經剝蝕尚有賓
出二字脚可辨補字缺或亦承監

本之
誤

搔誤從木

第四
十條

特牲饋食禮

壺禁在東序壺誤作壺

第十
條

主人再拜賓答再拜誤作賓再答拜

第十
一條

視壺濯壺誤作壺

第十
一締

主人服如初立于門外東方南面方誤作房

第十
二締

佐食啓會卻于敦南出立于戶西南面脫戶字

第十二
締

洗獻衆兄弟如衆賓儀脫上衆字

第三十
七締

尸祭酒啐酒奠之脫尸字

第三十
九締

賓立卒觶酌于其尊卒誤作干

第四十
二締

衆賓長自左受旅如初脫自字

第四十
二締

長皆答拜下脫舉觶者祭卒觶拜長皆答拜十一字

第四十

三絳

舉觶者洗各酌于其尊尊誤作奠

第四十
三絳

主人出立於戶外西面外誤作內

第四十
八絳

纁裏裏誤作裏

第五十
三絳

祝俎髀髀誤作脾

第五十
八絳

少牢饋食禮

明日朝服筮尸脫服字

第六
絳

用薦歲事薦誤作為

第六
絳

取巾興振之三下脫以授尸坐取簞興七字

第二十
二絀

尸受同祭于豆祭誤倒作同受

第二十
四絀

賓戶西北面拜送爵戶誤作尸

第三十
四絀

尸謾主人降立于阼階東降誤作祭

第三十
五絀

有司徹

匕皆加于鼎東枋枋誤作祊

第六
絀

覆二疏匕于其上皆縮俎西枋枋誤作祊

第六
絀

司士杞豕亦司士載亦右體作載右體

第十
一絀

尸卻手受匕枋受誤作授

第十
六絀

賓亦覆手以受受誤作授

第十
六絀

乃載于羊俎卒載下羨一俎字

第十
七絀

立于主人席北西面西面誤作面西

第二十
一絀

主人其祭糗脩其誤作共

第二十
三絀

賓坐左執爵右取脯揆于醢祭之脯誤作肺

第二十
八絀

遂飲卒爵執爵以興脫下爵字

第二十
八絀

宰夫執薦以從薦誤作爵

第二十
八絀

其先生之胥折脅一膚一脫其字

第三十
一絳

受爵酌獻侑拜受三獻北面答拜重出此十四字

第三十

四絳

尸降筵受三獻爵酌以酢之脫爵字

第三十
四絳

祝易爵洗酌授尸授誤作受

第四十
四絳

主婦受爵酌獻二佐食婦誤作人

第四十
五絳

賓戶西北面答拜戶誤作尸

第四十
五絳

賓兄弟交錯其酬無算爵錯誤作醕

第五
十絳

共脫八十字誤八十八字羨十七字倒置者六處
計十三字經文誤細書一字注文誤大書混經文
二字誤隔一圈他如壹一貳二參三廟廡醋酢奈
棄于於視眊嫫娼摯贅唯惟大太升之為二十卅
之為三十義既不殊文難畫一與夫點畫小誤者
槩置之

儀禮石本誤字 附

唐石經當時學者以為蕪累至於今日已為老成典
型矣乃儀禮亦不免多誤逮補字承謫則又魯魚莫
辨茲因校正監本誤字遂並及之

士冠禮

啐醴捷杻興作逮杻

醴冠者節
捷初洽反

士昏禮

降階受笄殿脩殿誤作股

婦見舅
姑節

某得以為昏姻之故監本作某以得為昏姻之故

文記

監本
似長

士相見禮

鄉飲酒禮

執觶興盥洗北面坐奠觶于其所疏云案鄉射大射
禮皆直云取觶洗南面反奠于其所不云盥此俗

本有盥者誤

司正表
位節

若有諸公大夫則使人受俎如賓禮受誤作授

徹俎
節

鄉射禮

司射適堂西袒決遂袒誤作祖

補字請射節

楅鬣橫而奉之奉誤作拳

記

大夫與士射袒纁襦纁誤作薰

記

燕禮

司宮筵賓于戶西東上筵誤作之

陳饌節

卿升席坐左執爵右祭脯醢脯誤作醕

獻卿節

小臣又請媵爵者二大夫大夫媵爵如初監本吳本

俱不再出大夫二字

再勝爵節

閤人為大燭於門外無大字

終燕節

大射儀

兩園壺

兩壺獻酒

俱誤作壺

陳饌節

主人卒洗賓揖升監本吳氏本俱賓揖乃升

獻賓節

賓升成拜拜誤作敗

補字公酬賓節

坐授瑟乃降授誤作受

補字席工節

主人洗升實爵實誤作賓

補字獻工節

南面坐奠饌興奠誤作取

補字司正表位節

司射適次袒決遂袒誤作袒

補字請射節

南揚弓命去侯侯誤作俟

補字三耦射節

聘禮

夫人使下大夫勞以二竹簠方簠作簠

郊勞節釋文云簠音甫或

作簠固已

簠不從

若賓死未將命未誤作來

賓介死節

使者既受行日脫既字

記

縹三采六等朱白蒼蒼誤作倉

記

又齋皮馬齋誤作賁

記

對曰非禮也敢誤作敢辭

記

賓既將公事復見訝以其摯訝誤作之

記

自西階升受階誤作門

記

公答再拜再誤作再

記

聘日致饗日誤作自

記

公食大夫禮

陳鼎于碑南南面西上脱一南字

戴組節

如受饗禮無儻儻誤作擯

若不親食節

覲禮

侯氏亦皮弁迎于帷門之外帷誤作惟

補字郭勞節

天子賜舍曰伯父脱曰字

賜舍節

天子曰非他伯父實來脱曰字

補字入覲節

几俟于東箱俟誤作侯

記補字

喪服

若是則生養之終其身如母如誤作慈

齊衰三年章補字

士喪禮

祭服不倒倒誤作到

小斂節

若不從卜擇如初儀擇誤作宅

卜日節

既夕

御者四人皆坐持體之下脫男女改服四字

記

鹿淺幣干笄干誤作干

記補字

士虞禮

特牲饋食禮

主婦設兩敦黍稷于俎南西上及兩鉶鉶鉶設于豆

南監本吳氏本止一鉶字陰厭節

少牢饋食禮

明日朝服筮尸脫服字筮尸節

如筮日之儀儀作禮筮尸節

司宮概豆籩勺爵觚觶几洗篚于東堂下几誤作凡

視濯節

主婦被錫衣移袂 主婦贊者一人亦被錫衣移袂

監本作侈袂當從陰厰節

祝延尸延誤作筵

尸入節

有司徹

有司徹第十七脫徹字

篇目

二手執挑匕枋以挹湑挑誤作桃

薦尸節

尸卻手受匕枋受誤作授

薦尸節

主婦洗爵于房中脫爵字

主婦獻尸節

主婦北面答拜受爵尸降筵受主婦爵以降誤作受

尸爵

主婦致爵于主人節

主人降洗爵作洗觶主人實爵作實觶

主人酬尸節

賓坐左執爵右取脯授于醢祭之脯誤作肺

主人獻賓節

主人降洗升獻私人于阼階上阼誤作降

補字獻私人節

主人拜受爵尸拜送脫爵字

旅酬節

主婦受爵酌獻二佐食婦誤作人

不賓尸主婦亞獻節

佐食設俎于豆東羊臠豕折羊脊脅祭肺一脫祭字

不賓尸賓
致主婦節

